



NAFARROAKO PARLAMENTUKO

ALDIZKARI OFIZIALA

V. legegintzaldia

Iruñean, 2000ko azaroaren 22an

102 ZK.

A U R K I B I D E A

A SAILA:

Foru Lege Proiektuak:

—Zenbait zerga hein batean aldatu eta beste zerga-neurri batzuk ezartzen dituen Foru Lege proiektua
(2. or.).

A saila:
FORU LEGE PROIEKTUAK

Zenbait zerga hein batean aldatu eta beste zerga-neurri batzuk ezartzen dituen Foru Lege proiektua

Nafarroako Parlamentuko Mahaiak, 2000ko azaroaren 20an egindako bilkuran, erabaki hau hartu zuen, besteak beste:

“Nafarroako Foru Eraentza Birrezarri eta Hobetzeari buruzko Lege Organikoaren 19.1.a) artikulua aitortzen dion legegintzarako ekimena erabiliz, Foru Diputazioak, 2000ko azaroaren 20an hartutako erabakiaren bidez, zenbait zerga hein batean aldatu eta beste zerga-neurri batzuk ezartzen dituen Foru Lege proiektua igorri du Nafarroako Parlamentura.

Hori horrela, Biltzarreko Erregelamenduko 125. artikuluan ezarritakoarekin bat, Eledunen Batzarra entzun ondoren, hona

ERABAKIA:

Lehena.- Proiektu hartaz irizpena emateko ahalmena Ekonomia, Ogasun eta Aurrekontu Batzordearen esku uztea.

Bigarrena.- Nafarroako Parlamentuko Aldizkari Ofizialean argitara dadin agintzea.

Gaur hasita **epe bat** irekiko da, **2000ko azaroaren 27ko eguerdiko hamarretan bukatuko dena**. Epe horretan, Parlamentuko taldeek eta foru parlamentariak osoko zuzenketak aurkeztu ahal dituzte. Eta ondoren, beste epe bat irekiko da, **2000ko abenduaren 4ko eguerdiko hamabietan bukatuko dena**, Parlamentuko taldeek eta foru parlamentariak artikuluei eta kontabilitate-lerroei zuzenketak aurkeztu ahal izateko, Erregelamenduko 126 eta 152. artikuluetan ezarritakoarekin bat.

Iruñean, 2000ko azaroaren 22an

Lehendakaria: José Luis Castejón Garrués

Zenbait zerga hein batean aldatu eta beste zerga-neurri batzuk ezartzen dituen Foru Lege proiektua

Foru lege honetan, arrazoi desberdinak direla eta, aldaketa batzuk ezartzen dira tributu arloan. Ezaugarri eta irispide desberdinak badituzte ere, neurri hauen helburu nagusia da enpresei laguntza eman eta aurrezpena eta inbertsioa bultzatzea, Nafarroaren hazkunde ekonomikoa egonkorra eta inflazioa txikia izan daitezen.

Lege honen bidez hainbat aldaketa ezartzen zaizkie Pertsona Fisikoen Errentaren gaineko Zergari, Ondarearen gaineko Zergari, Sozietateen gaineko Zergari, Kooperatiben Zerga-araubideari, Ondare Eskualdaketen eta Egintza Juridiko Dokumentatuen gaineko Zergari, Oinordetzen eta Dohaintzen Zergari, Jarduera Ekonomikoaren gaineko Zergari, Lurralde Aberastasunaren Erregistro Fiskalari eta Nafarroako Nekazaritza Ustiatgien Erregistroari.

1. artikulua Pertsona Fisikoen Errentaren gaineko Zergari buruzko abenduaren 30eko 22/1998 Foru Legearen alderdi batzuk aldatzen ditu; aldaketa garrantzitsuenak dira pentsio planei egiten zaizkien ekarpenen mugei dagozkienak, handitu egin baitira, hala nola zerga oinarriaren eta likidazio oinarriaren muga pertsonal eta familiarrak sartu eta zabaltzeari buruzkoak. Horrek guztiak aldaketa handia ekarri dio zergaren mamiari.

Zehazki, 55.1 artikulua 6. puntua aldatu da eta aldaketa horren ondorioz, mutualitate, pentsio plan eta sistema alternatiboek egindako ekarpenengatik egin daitezkeen murrizpenen baterako muga gehienekoa finkatzeko, ondoren aipatzen diren kopuruetatiko txikiena hartuko da:

– Lanaren eta enpresa edo lanbide jardueren etekin garbien baturaren 100eko 25, 52 urtez goitikoentzat izan ezik, horiek 100eko 40 izanen baitute.

– 1.200.000 pezeta, gehi 100.000 pezeta gehiago partaidearen adinak 52 urtetik goiti egiten duen urte bakoitzeko. Hirurogeita bost urtetik goitikoek 2.500.000 pezetako muga izanen dute.

Bestalde, beste puntu bat (7.a) gehitu zaio 55.1 artikuluari eta haren bidez baimena eman zaie subjektu pasiboari zerga oinarri orokorrean bere ezkontidearen pentsio planei eta mutualitatei egindako ekarpenak murrizteko, baldin eta ezkontidearen lanaren eta jarduera ekonomikoen urteko etekin garbiak 1.400.000 pezetara ailegatzan ez badira eta urtean 300.000 pezetako kopurua gainditzen ez bada.

Gainera, 55. artikularen 3 eta 4. zenbakiak aldatu eta 5 eta 6. puntuak erantsi dira, zerga oinarrian gutxiengo pertsonal eta familiarren murrizpena sartzeko. Gutxiengo pertsonala 561.000 pezetakoa izanen da urte eta subjektu pasibo bakoitzeko. Zenbateko hori 650.000 pezetakoa izanen da subjektu pasiboa hirurogeita bost urtetik goitiko bada eta 850.000 pezetakoa 100eko 33 edo gradu handiagoko ezgaitasuna duenean.

Gutxiengo familiarra, subjektu pasiboarekin bizi eta lanbide arteko gutxieneko soldataz goitiko errentarik (salbuetsiak barne) jasotzen ez duen hirurogeita bost urtez goitiko aurreko ahaide bakoitzeko, 100.000 pezetakoa izanen da. Subjektu pasiboarekin bizi eta lanbide arteko gutxieneko soldataz goitiko errentarik (salbuetsiak barne) jasotzen ez duen hogeita bost urtez behitiko lehenbiziko hiru ondorengo ahaide ezkongabe bakoitzeko, gutxiengo familiarra 250.000 pezetakoa izanen da urtean. Laugarren eta ondoko ahaide bakoitzeko, 400.000 pezetakoa urtean. 100eko 33 edo gradu handiagoko ezgaitasuna dagoenean, aurreko kopuruei 300.000 pezeta gehituko zaizkie urtean.

Subjektu pasiboak 300.000 pezetako murrizpena izateko eskubidea izanen du lagundutako pertsonatzat hartzen den hirurogeita bost urtez goitiko ahaide bakoitzeko. Ahaidea egoera horretan dagoen ala ez, Gizarte Ongizate, Kirol eta Gazteri Departamentuak ezarritako irizpide eta baremoei jarraikiz erabakiko da.

Zerga oinarrian eta zerga likidagarrian atzematen da familiak gaitasun ekonomikoan sortutako beherapena. Nafarroako araudian gutxieneko pertsonal eta familiarrak sartu badira ez da onura fiskal bat ezarri nahi delako, gaitasun ekonomiko gutxitu dela ikusi delako baizik, betebeharrak pertsonal eta familiarrei aurre egin behar diren ondorioz.

60. artikulua ere aldatu da, eta ondorioz, oinarri likidagarri bereziaren karga tasa 100eko 18 da.

Epe luzerako aurrezkiaren sustapenari buruz, azpimarratu behar da aseguruaren kontratuetatik kapital gisa jasotako etekinen murrizketa 100eko 60tik 65era igo dela, bost urte baino gehiagoko aurrerapenaz ordaindutako primen kasuan. Zortzi urte baino gehiagoko aurrerapenaz ordaindutako primak baldin badira, murrizketa 100eko 70etik 75era igo da. Baliaezintasunagatik kapital gisa jasotako prestazioen kasuan ere igo da murrizketa, 100eko 65era igo ere. Azkenik, aseguruaren kontratuen kasuan, lehenbiziko prima ordaindu zenetik hamabi urte baino gehiago igaro badira, 100eko 75era igo da murrizketa, ezartzen diren arauak jarraikiz.

2. artikuluan Ondareari buruzko azaroaren 19ko 13/1992 Foru Legearen ondoko bi alderdi hauek aldatu dira: ohiko etxebizitzaren tratamenduari buruzkoa eta ondasun edo eskubide salbuetsiak eskuratzean hartutako zorren kenkaririk ezari buruzkoa.

Hortaz, subjektu pasiboaren ohiko etxebizitza Ondarearen gaineko Zergatik salbuetsirik gelditu da 25.000.000 pezetako balio fiskala arte, eta ondasun edo eskubide salbuetsiak eskuratzean hartutako zorreatatik ez da kenkaririk egingen.

3. artikuluan Sozietateen gaineko Zergari buruzko abenduaren 30eko 24/1996 Foru Legea aldatu da.

Zerga oinarrian atzerrian finkagune iraunkor baten bidez jasotako errenta batzuen salbuespena egiteko metodoa ezarri da. Beraz, utzi egin da kuotako murrizketa eta zerga oinarrikoa hartu. Dena den, aldaketa horrekin batera neurri batzuk hartu dira abusuari bidea mozteko.

Espanian egoitza ez duten erakundearen fondoen balore adierazgarrien eskualdaketatik ateratako atzerriko dibidendo eta errenten nazioarteko ezarpen ekonomiko bikoitzaren tratamenduari dagokionez, utzi egin da hainbat kasutan kuotako kenkariaren kuota eta zerga oinarriko salbuespenarena hartu, horrela hobetuko baita Nafarroako enpresek nazioarteko merkatuan duten presentzia.

Bestalde, nabarmentzekoak dira teknologia berriak erabiltzen hasteko laguntzak eta kutsadura gutxitzeko neurriak.

Ildo horretan, pizgarri fiskal bat ezarri da interneten agertzeko bidea hobetzeko, saleroste elektronikoa handitzeko eta informazioaren eta komunikazioaren teknologia berrien erabilera zabaltzeko xedea duten inbertsio eta gastuetarako. Pizgarria ezarriko da baita nabigatzeko eta ibilgailuak satelite bidez aurkitzeko sistemetarako

inbertsioetarako ere, errepideko garraiorako ibilgailu industrial edo komertzialetan paratzen badira.

Errepideko garraioko ibilgailu industrial edo komertzialak erosteko pizgarriak ere ezarri dira, kutsadura atmosferikoa gutxitzeko xedea duen inbertsioaren zatian.

4. artikuluan Kooperatiben Araubide Fiskala arautzen duen ekainaren 21eko 9/1994 Foru Legearen hainbat alderdi aldatu dira. Aldaketa horiek direla medio, nekazaritzako kooperatibek zilegi izanen dute bazkide ez diren hirugarrenei B gasolioa saltzea babes berezikoak izateari utzi gabe; aldaketaren beste ondorio bat katastroko balioen mugak handitzea da, kooperatiba bat babes berezikitzat hartzeko aukerak handitzeko.

5. artikuluan aldaketa batzuk egiten zaizkio Ondare Eskualdaketan eta Egintza Juridiko Dokumentatuen gaineko Zergaren xedapenen Testu Bateginari. Horien artean, aipatzekoak dira, alde batetik, salbuespenaren aplikazioa hipotekak kitzeko eskrituren lehenbiziko kopietara, eta, bestetik, etxebizitzaren eskualdaketari ehuneko bosteko tributua ezartzea baldintza batzuk betez gero, adibidez, etxebizitza eroslearen ohiko bizilekua izatea eta eroslearen famili unitateak hiru kide baino gehiago izatea.

6. artikulua bi aldaketa ezartzen dizkio Oinordetzen eta Dohaintzen Zergari, lau urteko preskripzio epeari egokitzeko.

7. artikuluan Jarduera Ekonomikoen gaineko Zergaren alderdi batzuk aldatu dira, Estatuak aldatutako alderdiak, hain zuzen:

1. Aldatu da 1. sekzioko 854 multzoa, gidaririk gabeko ibilgailuen alogerari buruzkoa.

2. Sortu da 2. sekzioko 45 taldea, Geodesia eta Mapagintzako ingeniariari buruzkoa.

3. Aldatu da 2. sekzioko 71 taldea, aseguru aktuario, agente eta artekariei buruzkoa.

4. Aldatu da 2. sekzioko 762 multzoa, Informatikako doktore, lizentziatu eta ingeniariari buruzkoa.

8. artikuluan Nafarroako Lurralde Aberastasuaren Erregistro Fiskala erregulatzen duen martxoaren 10eko 3/1999 Foru Legeko 28. artikulua aldatu da. Aldaketaren ondorioz, ondasun higiezinaren notario tituluak formalizatzerakoan lurzatiaren zedula eramateko betebeharra ez betezea zerga arloko arau-hauste arintzat hartu eta 1.000 pezetatik 150.000 pezetara bitarteko isuna ezarriko da.

9. artikulua aldaketa batzuk ezarri dizkie Nafarroako Nekazaritzako Ustiategiaren Erregistroari buruzko abenduaren 15eko 20/1997 Foru Legearen artikuluei, lehentasunezko ustiategietako titularren eta nekazari gazteen mozkin fiskalak handitzeko.

Xedapen gehigarrietan ondoko alderdi hauek arautzen dira:

– Balore-maileguko eragiketa batzuek ez dute ondare aldaketarik sortuko, ez Sozietateen gaineko Zergan, ez Pertsona Fisikoen Errentaren gaineko Zergan.

- Monetaren balio-galeraren zuzenketa koefizienteak, Abenduaren 30eko 24/1996 Foru Legeko 27. artikulua aipatzen direnak, finkatu dira.

- 2001eko urtarrilaren 1etik aurrera, jaulkipen-primaren banaketatik edo ekarpenak itzultzeko kapital murrizpenetatik heldu den etekinarengatik ez da konturako atxikipen edo ordaintzarik eginen, bi kasu horietarako ezarri den tributazio berriarekin bat etorritz.

Xedapen iragankorrek arautzen dituzte, alde batetik, Sozietateen gaineko Zergari buruzko Legeko 60. bis eta 62. artikuluetan aipatutako nazioarteko ezarpen bikoitza saihesteko kenkari kasuak, 2001eko urtarrilaren 1etik hasitako zerga-aldien bukaeran egin gabe daudenak, eta, bestetik, zuzenbide iragankorraren ezarpena, atzerriko baloreen edukitza entitateak zerga araubide berrira egokitu behar diren ondorioz.

Azkenik, xedapen indargabetzailea, arauzko gaikuntza eta indarra harztearaz arautzen dira.

1. artikulua. Testu berria eman zaie Pertsona Fisikoen Errentaren gaineko Zergari buruzko abenduaren 30eko 22/1998 Foru Legeko ondoren zehazten diren artikuluei:

Bat. 7. artikuluko e) letra.

“e) Pertsonen eginiko kalteen ondoriozko erantzukizun zibilaren kalte-ordainak, legalki edo juridikoki onetsi den zenbatekoan.

Halaber, salbuetsirik egonen dira mota horretako kalteentzat istripu aseguruaren kontratuetatik heldu diren kalte-ordainak, non eta zerga oinarria murriztu duten primak edo Foru Lege honetako 35. artikuluko 1. araua aplikatzearen ondorioz gastu kengarritzat har daitezkeenak ez dituzten. Salbuespenaren muga izanen da zirkulazioko istripuetan pertsonen egindako kalteak baloratze sistemak jasandako kalteari aplikatuz atertatzen den kopurua; sistema hori Ibilgailu Motordunen Zirkulazioko Erantzukizun Zibilari eta Aseguruari buruzko Legearen eranskinean ageri da (Aseguru

Pribatuak Antolatu eta Gainbegiratzeari buruzko azaroaren 8ko 30/1995 Legean emandako testuren arabera).”

Bi 7. artikuluko n) letra.

“n) Atzerrian egindako lanengatik jasotzen diren lanaren etekinak, ondoko baldintza hauek betetzen baldin badira:

1. Lan horiek egoitza Espainiako lurraldean ez duen enpresa edo atzerrian kokatutako finkagune iraunkor batentzat egitea.

2. Lanak egiten diren lurraldean hau bezalako zerga bat aplikatzea eta arauetan paradisu fiskaltzat hartutako herrialdea ez izatea.

Salbuetsitako kopuruaren muga 10.000.000 pezetakoa izanen da urtean. Zenbateko hori arau bidez aldatu ahalko da.

Destinoa atzerrian duten zergadunei ez zaie salbuespen hau aplikatuko, Zerga honen Erregelamenduko 8.A)3.b) artikuluko zergapetzetik kanpo uzten dituen soberakinen araubidearen barruan baldin badaude, edozein dela ere haien zenbatekoa. Zergadunak zilegi izanen du salbuespen honen ordez soberakinen araubidea aukeratzeari.

Hiru. 7. artikuluko k) letra.

“k) Kargupeko seme edo alabarengatik jasotako prestazioak, Gizarte Segurantzari buruzko Lege Orokorren Testu Bategineko II. tituluko IX. kapituluaren araututakoak (ekainaren 20ko 1/1994 Legegintzako Errege Dekretuaren bidez onetsi zen testu hori), bai eta Administrazio Publikoetako langileentzat, hala jardunekoentzat nola pasiboentzat, seme edo alaba minusbaliatuarengatik ezarritako famili laguntza.”

Lau. 7. artikuluarik q) letra gehitzea.

“q) Lurperatze edo ehorzketagatik jasotako prestazioak. Egindako gastuen zenbateko osoa izanen da muga.

Bost. 14. artikuluko 1. zenbakiko e) letraren testu berria.

“e) Pentsio planen sustatzaileek ordaindutako kontribuzio edo ekarpenak, hala nola, pentsioak direla-eta, enpresarioek dituzten konpromisoerik aurre egiteko ordaindutakoak, Pentsioen Plan eta Fondoei buruzko ekainaren 8ko 8/1987 Legearen lehenbiziko xedapen gehigarrian eta hura gartzatzen duten arauetan aurreikusitako moduan, zenbateko horiek prestazioak lotesten zaizkien pertsonerik egotzen ahal zaizkienean. Zerga egozketa horrek betebeharrak izan behar izanen du bizi aseguruetik ordaindutako primei dagokienez, prima horiek, berreskuratu-

tzeko eskubidea ematearen bidez edo beste edozein formularen bidez, aukera ematen badute prestazioa lotutako pertsonerik alde aurretik eskura izateko, pentsio planerik buruzko arauetan aurreikusitakoak ez bezalako kasuetan. Alde aurretik eskura izateko bidea ematen duten kasu hauen barrenean ez dira sartuko eritasun larriaren edo iraupen luzeko langabezi egoeren kasuetarako berreskuratzeko eskubidea barne hartzen duten aseguruak, erregelamendu bidez ezarriko den moduan.”

Sei. 28. artikuluarik 1. zenbakiarik d) letra gehitzea.

“d) Akzio edo partaidetzen jaulkitze primaren banaketa. Lortutako zenbatekoak gutxitu eginen du, deuseztatu arte, ukiturik akzio edo partaidetzen erosteko balioa eta gera litekeen soberakina zergapean egonen da higikorren kapitalaren etekin gisara.”

Zazpi. 31. artikuluarik lerroalde bat gehitzea.

“Zergaduna hil dela eta, irabazteko asmoz eskualdatzen badira Foru Lege honetako 29. artikuluan aipatutako besteren kapitalak atzitu eta erabiltzea adierazten duten aktiboak, higikorren kapitalaren etekinik ez dagoela juzgatuko da.”

Zortzi. 32.2 artikuluko b) eta c) letrak.

“b) Bizi aseguruaren kontratuetatik jasotako ordaindutako etekinak honela murriztuko dira:

– Jasotzen diren datatik bi urte baino gehiagoko aurrerapenaz ordaindutako primei dagozkienak, 100eko 30.

– Jasotzen diren datatik bost urte baino gehiagoko aurrerapenaz ordaindutako primei dagozkienak, 100eko 65.

– Jasotzen diren datatik zortzi urte baino gehiagoko aurrerapenaz ordaindutako primei dagozkienak, 100eko 75.

Azkeneko murrizketa horixe bera aplikatuko zaio kapital moduan bizi aseguruetik jasotako ordaindutako lehen prima ordaindu zenez geroztik hamabi urte baino gehiago igari direlarik, baldin eta kontratuaren iraupenean zehar ordaindutako primek halako aldizkakotasun eta erregulartasun bat izan badute, betiere, erregelamendu bidez ezarriko diren baldintzetan.

c) Baliatzearen prestazioetatik ordaindutako etekinak erregelamendu bidez ezarriko diren baldintza eta mailetan, Foru Lege honetako 14.2.a) artikuluan ezarritako aseguru kontratuek bestelako onuradunek jasotzen dituztenean, 100eko 65 murriztuko dira. Baliatzearen presta-

zioetatik ondorioztatutako etekinak izan eta aurreko baldintzak betetzen ez badira, 100eko 40 murriztuko dira.

Baliazintasun prestazioak hamabi urte baino gehiagoko antzinatasunaz hitzarturiko aseguru kontratuen ondoriozkoak direnean aplikatuko den murrizketa 100eko 75ekoa izanen da, baldin eta kontratuaren iraupenean zehar ordaindutako primak halako aldizkakotasun eta erregulartasun bat izan badute, betiere, erregelamendu bidez ezarriko diren baldintzetan.

Bederatzi. 32.3.B.b).c') artikuluari beste lerroalde bat gehitzea.

“Nolanahi ere, aktiboen multzoek baldintza horiek betetzen dituztela ulertuko da baldin eta Europako Batasuneko baloreen bigarren mailako merkatu ofizial batzuen adierazgarria den burtsa edo errentako indize jakin bat errepikatzen duen inbertsio politika bat garatzen saiatzen badira.”

Hamar. 39.4.a) artikulua testu berria.

“Kapital murrizketaren xedea ekarpenak itzultzea denean, honen zenbatekoak edo jasotako ondasun edo eskubideen merkatuko ohiko balioak gutxitu egingen du ukitutako balore edo partaideen erosketa balioa, aurreko zenbakiko erregelekin bat, balio gabetu arte. Soberakin baldin bada, Zergan ordainduko da higikorren kapitalaren gehikuntza gisa, Foru Lege honetako 28. artikuluan jaulkipen prima banatzeko ezarritako moduan.”

Hamaika. 39.4.c).a') artikulua testu berria.

“a) Eskualdaketa lerro zuzeneko ondorengo baten edo batzuen aldekoa izatea edo, bestela, bigarren edo hirugarren graduko alboko ahaideen aldekoa.”

Hamabi. 39.5.b) artikulua testu berria.

“Hirurogeita hamabost urtetik goitiko pertsonak beren ohiko etxebizitza eskualdatzean sortuak.”

Hamahiru. 47.1.a).b') artikulua azken lerroalde.

“Letra honetan, a)n alegia, agindutakoari dagokionez, ez dira balore gisa kontatuko, ez eta enpresa edo lanbide jardueren ez dauden elementu gisa ere, haien erosketa prezioa entitateek lorturiko mozkin ez banatuen zenbatekoa baino gutxiago bada, baldin eta mozkin horiek enpresa edo lanbide jardueren ondoriozkoak badira; horren muga bai urte berean bai azken hamar urteetan lorturiko mozkin haien zenbatekoa izanen da. Dibidenduak ez dira enpresa edo lanbide jarduerekin parekarriak izanen, ez eta aurreko

lerroaldearen bukaerako zatian aipaturiko baloreetatik heldu direnak ere, partaidetzako entitateak jasotako dirusarreraren gutxienez 100eko 90 Foru Lege honetako 33. artikuluan aipaturiko enpresa edo lanbide jarduerak egitetik sortzen ez bada.

Hamalau. 55.1 artikulua 6. puntua.

“6. Aurreko puntuetan jasotzen diren murrizpen kopuru gehieneko eta muga, ondoren finkatzen diren kopuru txikiena izanen da.

a) Norberak ekitaldian zehar jasotako laneko etekin garbien, eta enpresa edo lanbide jardueretakoen batuketaren 100eko 25.

Ondorio hauetarako, enpresa edo lanbide jardueren etekin izanen dira 47. artikuluko 1. zenbakiko b) eta c) letretan arautzen diren sozietate gardenek beren bazkideei egotzitako errentak, beren jardura sozietate horietan profesional gisa, artista edo kirolari gisa burutzen dituzten bazkideei egotzitakoak direnak.

Nolanahi ere, berrogeita hamabi urtez goitiko partaide edo mutualisten kasuan, aurreko portzentajea 100eko 40 izanen da.

b) 1.200.000 pezeta.

Dena den, berrogeita hamabi urtez goitiko partaide edo mutualisten kasuan, aurreko ehunekoari 100.000 pezeta gehituko zaizkio partaide edo mutualistaren adinak berrogeita hamabi urtez goiti egiten duen urte bakoitzeko. Hirurogeita bost urte edo gehiagoko partaide edo mutualisten kasuan, 2.500.000 pezetakoa izanen da.”

Hamabost. 55.1 artikulua puntu bat (7.a) gehitzea.

“7. Aurreko mugekin egindako murrizketez gain, subjektu pasiboak zilegi izanen du bere ezkontidea partaide edo mutualista deneko pensio plan edo gizarte aurreikuspeneko mutualitate-eta egindako ekarpenak zerga oinarri orokorrean murriztea, baldin eta ezkontideak jasotzen ez badu lanaren edo enpresa zein lanbide jardueren etekin garbirik, edo, jasoz gero, urtean 1.400.000 pezetara ailegatzen ez badira.”

Hamasei. 55. artikulua 3 eta 4. zenbakiei testu berria eman eta bi zenbaki (5 eta 6.a) gehitzea.

“3. Gutxiengo pertsonalarengatik.

Gutxiengo pertsonala, oro har, 561.000 pezetakoa izanen da subjektu pasibo eta urte bakoitzeko.

Zenbateko hori 650.000 pezetakoa izanen da subjektu pasiboa hirurogeita bost urtez goitiko

bada eta 850.000 pezetakoa 100eko 33 edo gradu handiagoko minusbaliotasuna duenean.

4. Gutxiengo familiarrengatik.

1.. Gutxiengo familiarra ondoko hau izanen da:

A) 100.000 pezeta urtean, subjektu pasiboarekin bizi eta urteko errentak (salbuetsiak barne) lanbide arteko gutxieneko soldata baino gutxiagoak dituen hirurogeita bost urtez goitiko aurreko ahaide bakoitzeko.

B) Subjektu pasiboarekin bizi eta urteko errentak (salbuetsiak barne) lanbide arteko gutxieneko soldata baino gutxiagoak dituen hogeita bost urtez beheitiko ondorengo ahaide ezkongabe bakoitzeko:

– 250.000 pezeta urtean, lehenbiziko, bigarren eta hirugarrenrengatik.

– 400.000 pezeta urtean, laugarren eta hurrengoengatik.

C) Aurreko A) eta B) letretan aipatutako pertsona bakoitzeko, edozein adinekoak direla ere, urteko errentak (salbuetsiak barne) lanbide arteko gutxieneko soldata baino gutxiagoak eta 100eko 33 edo gradu handiagoko minusbaliotasuna baldin badituzte, aurrekoez gain (bidezko badi-
ra), 300.000 pezeta urtean.

Aurreko B) eta C) letretan agindutakoei begira, aplikatzekoa den legeria zibilean ezarri bezala tutoretza, adopzio edo harrera bidez subjektu pasiboari loturiko pertsonak ondorengoaren parekoak izanen dira.

Subjektu pasiboak eskubidea izanen du 300.000 pezeta kentzeko, Gizarte Ongizate, Kirol eta Gazteri Departamentuak ezarritako irizpide eta baremoen arabera pertsona lagundutzat hartzen den hirurogeita bost urte edo gehiagoko ahaide bakoitzarengatik, baldin eta aipatu subjektu pasiboarekin bizi bada.

Kenketa pertsona lagunduaren ezkontideak edo bikote iraunkorrek egingen du, edo, horrelakorik ez badu, graduaren arabera hurbilen duen ahaideak. Kenketa hori ez da egingen baldin eta lagundutako pertsonak minusbaliotasunagatik aurreikusitako egin badu.

Lagundutako pertsona dela frogatu beharko da Gizarte Ongizate, Kirol eta Gazteri Departamentuak ekitaldi bakoitzean emandako ziurtagiriaren bidez.

2. Bi subjektu pasibok edo gehiagok baldin badute gutxiengo familiarrek aplikatzeko eskubidea, zenbatekoa haien artean proportzionalki banatuko da.

Nolanahi ere, subjektu pasiboek ahaidetasun gradu desberdina baldin badute aurreko ahaidearekin, ondorengoarekin edo pertsona lagunduarekin, gutxiengo familiarra gradurik hurbileneko horiei aplikatuko zaie, non horiek ez dituzten lanbide arteko gutxieneko soldataz goitiko errentak (salbuetsiak barne), kasu horretan ondoko gradukoei aplikatuko baitzaie.

Aurreko ahaideengatik aurreikusitako murrizketa aplikatu ahal izateko, beharrezkoa izanen da ahaide hori subjektu pasiboarekin eta haren kontura bizi izatea, gutxienez zergaldiaren erdian.

Subjektu pasibo bakoitzaren gutxiengo pertsonala eta familiarra osatuko dituzte aurreko zenbaki jarraikiz aplikatu behar diren zenbatekoen baturek.

5. Familiaren etxean seme-alabak zaintzeko kontratatutako pertsonengatik Gizarte Segurantzari ordaindutako zenbatekoak. Ordainketa horiek justifikatzeko modua arau bidez zehaztuko da.

6. Artikulu honetan aipatu murrizketak ondoko arau hauei jarraikiz egingen dira:

1. Aurrena, 1 eta 2. zenbakietan ezarritakoak aplikatuko dira.

2. Eraitza positiboa bada, 3, 4 eta 5. zenbakietakoak aplikatuko dira, haren mugaraino. Aplikatu gabe gelditzen den zenbatekoak, baldin badago, zerga oinarriaren zati berezia gutxituko du eta oinarri hori ezin izanen da negatiboa izan.

Eraitza negatiboa bada, 3, 4 eta 5. zenbakietakoak zerga oinarriaren zati berezia gutxitzeko aplikatuko dira eta kasu honetan ere ezin izanen da negatiboa izan.”

Hamazazpigarrena. 60. artikulua.

“60. artikulua. Oinarri likidagarri bereziaren karga tasa.

Oinarri likidagarri bereziaren karga tasa 100eko 18 izanen da.”

Hemezortzi. 62. artikulua. Testu berria.

“62. artikulua. Kuota-kenkariak

1. Ohiko etxebizitzarengatik kenkaria.

a) Subjektu pasiboak Espainiako lurraldean duen edo izanen duen ohiko etxebizitza erosi edo zaharberritzeagatik ekitaldian ordaindutako diru kopuruen 100eko 15. Kenkari horren oinarri gehienezkoa urteko 1.500.000 pezetakoa izanen da.

Kenkaria aplikatzeko, ondokoa eskatuko da:

Igo. Ohiko egoitza, segidako hiru urteren barnean subjektu pasiboa bizi deneko etxebizitza izanen da. Hala ere, etxebizitzak izaera hori izan zuela ulertuko da, nahiz epe hori ez iragan, subjektu pasiboa hiltzen bada edo etxebizitza aldatzera nahitaez behartzen duten inguruabarrak gertatzen badira.

2gn. Subjektu pasiboa etxebizitzan benetan bizitzea eta etengabea hamabi hilabetez, etxebizitza erosi eta obrak bukatzen ziren egunetik kontatzen hasita. Hala ere, subjektu pasiboak ohiko etxebizitza badu daukan kargu edo enpleguarengatik, epe hori kargu uztearen egunetik hasiko da kontatzen.

Kreditu entitateetan, erregelamendu bidez ezartzen diren formalizazio eta dispozizio baldintzak betetzen dituzten kontuetan, uzten diren kopuruak izanen dira ohiko egoitza den edo izanen den etxebizitza erosi edo zaharberritzen erabilitzat jotzen direnak, baldin eta ohiko etxebizitza erosi edo zaharberritzeko erabiltzen badira.

Ondorio horietarako, zaharberritzea ondokoa betetzen duena da:

a') Bizileku eta hiri ondarearen zaharberritzearen babespenari dagokionez legez eska daitezkeen baldintzak bete beharko ditu, baldin eta organo eskudunak emandako ziurtagiriaren bidez bermatzen bada hori.

b') Etxebizitzaren egitura, aurreko aldea, estaldura edo antzekoak sendotuz eta tratatuz berre-raikitzeko xedea duen obra, baldin eta lanen kostu osoak ehuneko hogeita bostean gainditzen badu erosketaren prezioa, betiere erosketa hori lanak hasi aurreko bi urtetan burutu bada, edo, bestela, lanen kostu osoak etxebizitzak zaharberritu baino lehen zeukan egiazko balioa gainditzen badu.

b) Kenkari honen oinarria etxebizitza erosi edo zaharberritzeko ordaindutako diru kopuruek osatuko dute, eroslearen kargu sortu diren gastuak barne. Inoren finantzaketarekin egin bada, horren ondoriozko amortizazioa, korrituak eta gainerako gastuak ere gehituko zaizkio oinarriari.

Hauxe kenduko zaio aurreko lerroaldean aipatzen den kenkari-oinarriari: aurretik zegoen ohiko etxebizitzarengatik kuotari kendu zaizkion kenkari-egokien oinarri-zenbatekoa, eta baita ohiko etxebizitza berriari inbertitzeagatik salbuesitako ondare-gehikuntzaren zenbatekoa ere. Aipatu kenketa hori egiteko, subjektu pasiboak ezin izanen du ohiko etxebizitza berria erosteagatik kuota-kenkaria aplikatu, baldin eta berri horre-

tan inbertitzen diren zenbatekoek ez badituzte gainditzen arestian esandako kopuruak.

c) Ohiko etxebizitza edo etxebizitzak erosi edo zaharberritzeagatik egindako kenkari-egokien oinarriaren zenbateko osoak ezin izanen du 15.000.000 pezetako zenbatekoa gainditu, subjektu pasiboaren zergaldiak batera hartuz gero.

d) Zenbaki honetan xedatutakoari begira, zergak aitorpen bateratua eginez ordaindu diren zergaldietan ohiko etxebizitza erosi edo zaharberritzeagatik egindako kenkari-egokien oinarriak, kenkarirako eskubidea sortu zuten subjektu pasiboek egindakotzat hartuko dira.

e) Kenkari honi dagokionez, ezkontzaren araubide ekonomikoa irabazpidezkoa baldin bada, ezkontzan zehar ordaindutako zenbatekoak, zenbaki honetako b) letran aipatzen direnak, irabazpidezko ondasunen sozietateko fondoekin ordaindutat hartuko dira, eta ezkontide bakoitzaren kenkaria aipatu sozietatean duen partaidetzaren arabera izanen da.

f) Ohiko etxebizitza egokitzeko lan eta instalazioak egiten dituzten subjektu pasiboek ere zilegi izanen dute ohiko etxebizitzarengatik aurreikusitako kenkaria aplikatzea, baita lan horiek eraikinarren elementu komunak eta finkatik bide publikora pasatzeko beharrezkoak direnak badira ere, ondoko zehaztapen hauekin:

a') Egokitze lan edo instalazioek Administrazio eskudunaren ziurtagiria izanen dute, haien erabilgarritasuna eta zentzumen-komunikazioa bermatzeko beharrezkoak direla frogatzeko, bide emanen baitute horrela minusbalioetasuna duten pertsonak haietan duintasunez moldatzeko, arau bidez ezarritako moduan.

b') Subjektu pasiboaren ohiko etxebizitzan egokitze lan edo instalazioak egin behar baldin badira subjektu pasiboa bera, haren ezkontidea edo bikote iraunkorra, harekin bizi den aurreko nahiz ondorengo ahaideren bat minusbalioetasuna delako, zilegi izanen da horiengatik kenkaria egitea.

g) Hiru kidez goitiko famili unitateen kasuan, a) letran aipaturiko portzentajea 100eko 18 izanen da.

2. Ohiko etxebizitzaren alokairuagatik kenkaria.

100eko 15a eta gehienez ere 100.000 pezeta urteko, subjektu pasiboak zergaldian bere ohiko etxebizitzaren alokairuagatik ordaindu dituen diru kopuruena, betiere ondoko baldintzak tarteko baldin badira:

– Subjektu pasiboak ez izatea zergaldian hiru milioi eta bostehun mila pezeta baino gehiagoko errenta, salbuetsiak barne.

– Alokairuagatik ordaindutako diru kopuruak subjektu pasiboaren zergaldiko errentaren 100eko 10a baino gehiagokoak izatea, salbuetsiak barne.

3. Kenkariak enpresa- edo lanbide-jarduere-tan.

Zerga honen subjektu pasiboei, enpresa- edo lanbide-jardueretan aritzen badira, Sozietateen gaineko Zergari buruzko arauetan enpresari inbertsiorako ezarriarik edo ezartzeko dauden bultzagari eta pizgarriak aplikatzen ahalko zaizkie, kenkariaren portzentajea eta mugak berdinak direlarik.

Hala ere, pizgarri horiek, erregelamendu bidez hala ezartzen denean baizik ez zaizkie aplikatzen ahalko zerga-oinarrien zenbatespen objektiboaren araubidearen menpeko subjektu pasiboei, araubide horren ezaugarri eta beharkizun formalak kontuan harturik.

4. Dohaintzengatiko kenkariak.

Fundazioen eta babes jardueren tributu araubidea arautzen duen uztailaren 2ko 10/1996 Foru Legean aurreikusitakoak.

5. Lanarengatiko kenkariak.

Lan etekinak lortzen dituzten subjektu pasibok 95.000 pezeta kendu ahal izanen dituzte.

Zenbaki honetan aurreikusitako kenkariaren zenbatekoak ezin izanen du gainditu 59. artikuluko 2. idatz-zatiak aipatzen duen batez besteko karga tasa zergapeturiko lanaren etekin garbiei aplikatzearen emaitza.

6. Dibidenduengatiko kenkaria.

Foru Lege honetako 28. artikulua 1. zenbakiak aipatzen dituen etekinek, fondo propioetan parte hartzeagatik eskuratutakoek, ondoko zenbatekoa izanen duen kenkari baterako eskubidea sortuko dute: aipatu artikuluan ezarritakoari jarraituz, zerga-oinarrian integraturiko zenbatekoari lorturiko etekin osoa kendu eta ateratzen den emaitza.

Ezarpen bikoitzarengatiko kenkaria, babestutako eta bereziki babestutako kooperatiben itzulketei dagozkienak eta ekainaren 21eko 9/1994 Foru Legeaz araututakoak, Foru Lege horren 34. artikuluan ezarritakoari jarraituz eginen da.

Kuota likidoa aski ez delako aplikatu ez den kenkariaren zenbatekoa ondoko lau urteetan kendu ahal izanen da.

7. Interes kultureko ondasunengatiko kenkaria.

a) 100eko 15a, Interes Kultureko Ondasunen Erregistro Orokorrean jasota dauden ondasunak erosten egindako inbertsioena, betiere ondasuna titularraren ondarearen barnean baldin badago gutxienez hiru urtez eta eskualdatzea Interes Kultureko Ondasunen Erregistro Orokor horri jakinarazten baldin bazaio, gai honi buruzko berariazko arauetan xedatutakoari jarraituz.

b) 100eko 15a, aitzineko letran ezarritako baldintzak betetzen dituzten ondasunen kontserbazio, konpontze, zaharberitze, hedapen eta erakuste gastuen zenbatekoarena, fiskalki kentzen ahal diren gastutzat jotzen ahal ez diren aldetik, kasuan kasu bidezko den etekin garbia zehazte-kotan.

Hemeretzi. e) letra gehitu zaio 66. artikuluari.

“e) Subjektu pasiboa etxebizitza aldatzeagatik halakotu bada, Foru Lege honetako 81. artikuluko 8. zenbakian aipaturiko konturako atxikipen eta ordainketak, bai eta Egoitza Kanpoan dutenen Errentaren gaineko Zergan ordaindutako kuotak ere, etxebizitza aldaketa egin zen zergaldian sorra-razi baziren.”

Hogei. 75. artikulua 75. artikulua berria.

“75. artikulua. Baterako zerga-ordainketaren erregela bereziak.

Baterako zerga-ordainketaren kasuetan, ondoko erregela bereziak aplikatuko dira:

1go. 62. artikuluko 1. zenbakiko a) letran ezarritako gehieneko oinarria urteko 3.500.000 pezetakoa izanen da famili unitate osorako.

2gn. 62. artikuluko 1. zenbakiko c) letran ezarritako guztizko zenbatekoa 35.000.000 pezetakoa izanen da famili unitate osorako.

3gn. 62. artikuluko 2. zenbakian aipatzen den errenten muga 8.000.000 pezetakoa izanen da famili unitate osorako.

4gn. 64. artikuluko 1 eta 3. zenbakietan ezarritako gehieneko zenbatekoa, famili unitateko kide guztien likidazio-oinarrien baturari aplikatuko zaio.

5gn. 64. artikuluko 2. zenbakian ezarritako gehieneko zenbatekoa, famili unitateko kide guztien kuoten baturari aplikatuko zaio.

6gn. 71. artikuluko 1. zenbakiaren a) eta b) letrek aipatzen dituzten famili unitateen kasuan, 55. artikuluko 6. zenbakiko 2. erregela aplikatzearen ondorioz ezkontideetako batek ezin izan duenean aplikatu 3 eta 4. zenbakietan aipatzen den

murrizketa, gerakina beste ezkontidearen gutxieneko pertsonalari erantsiko zaio.

7gn. 71. artikuluko 1. zenbakiaren c) letrak aipatzen dituen famili unitateen kasuan, Foru Lege honetako 55. artikuluko 3. zenbakian aurreikusitako gutxiengo pertsonala 900.000, 1.000.000 edo 1.200.000 pezetakoa izanen da, hurrenez hurren. Aita eta ama elkarrekin bizi baldin badira, gutxieneko pertsonala Foru Lege honetako 55. artikuluko 3. zenbakian aurreikusitakoa izanen da.”

Hogeita bat. 81. artikuluari bi zenbaki (8.a eta 9.a) gehitzea.

“8. Subjektu pasiboa etxebizitza aldatzeagatik halakotu bada, Egoitza Kanpoan dutenen Errentaren gaineko Zergaren konturako atxikipen eta ordainketak, etxebizitza aldatu zen zergaldian eginak, Zerga honen konturako ordainketatzat hartuko dira.

9. Epai judizial edo administratiboaren ondorioz Zerga honen konturako atxikipen edo ordainketari loturiko errenta bat ordaindu behar baldin bada, ordaindu beharreko zenbateko osoaren gainean eginen du ordaintzaileak atxikipen edo ordainketa hori eta zenbateko hori sartu beharko du artikuluko honetan ezarritakoari jarraikiz.”

Hogeita bi. 91. artikulua 1 eta 2. zenbakiak.

1. Foru Lege honetako 66. artikulua e) letran ezartzen diren konturako atxikipen eta ordainketa, zatikako ordainketa eta kuoten batura, Egoitza Kanpoan dutenen Errentaren gaineko Zergarenak denak, handiagoa bada ezarritako epean aurkeztutako autolikidazioaren emaitza den kuota baino, Ekonomia eta Ogasun Departamentuak, hala behar bada, behin-behineko likidazioa eginen du aitorpena aurkezteko ezarritako epea amaitu eta sei hilabeteren barruan.

Egindako itzulketaren zenbatekoa eta subjektu pasiboak aitorpen-likidazioan edo autolikidazioan eskatutakoarena berdinak badira, likidazio hori ez da beharrezkoa izanen.

Aitorpena epez kanpo aurkeztu baldin bazen, aurreko zenbakian aipatu sei hilabeteko epea aurkezpen egunetik aurrera hasiko da kontatzen.

2. Txikiagoa bada autolikidazioaren emaitzako kuota edo, halakorik balitz, behin-behineko likidazioarena, benetan atxikitako kopuru eta konturako ordainketak baino, hala nola Foru Lege honetako 66. artikulua e) letran aipaturiko Egoitza Kanpoan dutenen Errentaren gaineko Zergaren kuota baino, Ekonomia eta Ogasun Departamentuak ofizios itzuliko du aipatutako kuotaren gaineko

soberakina, deusetan galarazi gabe egoki diren ondorengo behin-behineko nahiz behin betiko likidazioak.”

Hogeita hiru. Hamaseigarren Xedapen Gehigarria gehitzea.

“Hamaseigarrena. Kirolari profesionalen gizarte aurreikuspeneko Mutualitatearen ekarpen eta prestazioen zerga araubidea.

Kirolari profesionalen gizarte aurreikuspeneko Mutualitatearen ekarpenei, baldin eta Pertsona Fisikoen Errentaren gaineko Zergari buruzko abenduaren 9ko 40/1998 Legearen hogeita hirugarren xedapen gehigarrian ezarritako betebeharrak, ezaugarri eta baldintzak betetzen badituzte, bai eta haietatik etorritako prestazioei, ondoko zerga araubidea aplikatuko zaie:

a) Kirolari profesionalen Mutualitatearekin itundutako aseguru kontratuak direla-eta egindako ekarpenengatik, hala zuzeneko nola egotzitakoengatik, murrizketa egin ahalko da Pertsona Fisikoen Errentaren gaineko Zergaren zerga oinarriaren zati orokorrean; horretarako muga izanen da lanarengatik eta jarduera ekonomikoengatik ekitaldian banaka jasotako etekin garbien batura, eta betiere urtean 2.500.000 pezetako (15.025,30 euroko) zenbatekoa gainditu gabe.

b) 40/1998 Legearen hogeita hirugarren xedapen gehigarrian aipatuak ez bezalako kasuetan kontsolidatutako eskubideak erabiltzen baldin badira, subjektu pasiboak zerga oinarrian zilegi izan gabe egindako murrizketak birjarri beharko ditu; gainera, aitorpen-likidazio osagarriak eginen dira, berandutza korrituak barne. Bestalde, kontsolidatutako eskubideen aurretiazko erabilpenagatik jasotako zenbatekoek zerga ordainduko dute higigarrien kapitalaren etekin gisara, non eta Pentsio Plan eta Fondoan Erregulazioari buruzko ekainaren 8ko 8/1987 Legearen lehenbiziko xedapen gehigarrian aipaturiko aseguru kontratuetatik heldu ez diren, kasu horretan lanaren etekin gisara tributatu baitute.

c) Jasotako prestazioek, bai eta kontsolidatutako eskubideak 40/1998 Legearen hogeita hirugarren xedapen gehigarrian aurreikusitako kasuetan erabiltzeak, lan etekin gisara tributatu dute osoorik.

d) Aurreko letretan aurreikusitako araubide berezia alde batera utzita, kirolari profesionalak eta goi mailakoek zilegi izanen dute kirolari profesionalentzako gizarte aurreikuspeneko mutualitateari ekarpenak egitea, kirolari profesional gisara lan-bizitza bukatu badute ere edo galdua izan arren goi mailako kirolariaren izaera.

Ekarpen horiengatik murrizketa egin ahalko da Pertsona Fisikoen Errentaren gaineko Zergaren zerga oinarriaren zati orokorrean, ekainaren 8ko 8/1987 Legearen 8.6 artikuluan aurreikusitako gorabeherak estaltzeko erabiltzen den zatian, betiere Foru Lege horretako 55.1.5 a), b) eta c) letretan ezarritako baldintzak betetzen badira.

Ekarpen horien murrizketaren baterako gehieneko muga, gizarte aurreikuspeneko mutualitateekin egindako pentsio plan eta aseguru kontratuetarako Foru Lege horretako 55.1.6 artikuluan ezarritakoa izanen da.”

Hogeita lau. Zazpigarren Xedapen Iragankorri 4. zenbakia gehitzea.

“4. 1994ko abenduaren 31 baino lehenago eskuratutako eta enpresa- edo lanbide-jardueretara atxikiriko eskubide eta ondasun inmaterialen eskualdatzearen ondoriozko ondare-gehikuntzak kalkulatzeko, 1. zenbakian ezarritakoari jarraikiko zaio, baldin eta eskualdaketa ezintasun iraunkorraren edo erretiroaren ondorioz gertatu bada.

2. artikulua. Ondareari buruzko azaroaren 19ko 13/1992 Foru Legeko artikuluko batzuk aldatu dira, ondoren azaldu bezala:

Bat. 5. artikuluari 7. zenbakia gehitzea.

“7. Subjektu pasiboaren ohiko etxebizitza, Pertsona Fisikoen Errentaren gaineko Zergari buruzko abenduaren 30eko 22/1998 Foru Legeko 72. artikuluan ezarritako definizioaren arabera, gehienez 25.000.000 pezeta.”

Bi. 25. artikulua.

“25. artikulua. Kontzeptu ez-kengarriak.

Ondoko hauek izanen dira:

a) Abalatutako zenbatekoak, abal-emaileak zorra ordaindu behar duen arte, zordun nagusiaren aurkako eskubidea erabili eta horrek huts egiteagatik. Abal solidarioaren kasuan, abalatutako zenbatekoak ez dira kengarriak izanen abal-emailearen aurkako eskubidea erabili arte.

b) Bermearen eskubide errealak, ezertan ukatu gabe bermatutako zorra kengarria izateko aukera.

c) Ondasun edo eskubide salbuetsiak eskuratzeko hartutako zorrak. Salbuespena partziala denean, zorren zati proportzionala izan ahalko da kengarria.”

3. artikulua. 2001eko urtarrilaren 1etik aitzina hasitako zergaldietarako ondorioekin, Sozietateen gaineko Zergari buruzko abenduaren 30eko

24/1996 Foru Legeko artikuluko batzuk, ondoren zehazten direnak, honela geldituko dira:

Bat. 50.3.b) artikuluaen testu berria.

“b) Martxoaren 24eko 4/1997 Legeak araututako Lan Sozietateak, baldin eta lortzen dituzten mozkinen 100eko 25 bederen Erreserbako Fondo Berezira sartzen badute, salbu sozietatearen jarduera berarizkoei atxikirik ez dauden ondare-elementuetatik ateratzen diren errentei dagokienagatik, horiek tasa orokorraren arabera ordainduko baitute.

Hala behar izanez gero, kontabilitatearen emaitza negatiboa denean eta oinarri likidagarria positiboa, 100eko 20ko zerga tasa aplikatuko da.”

Bi. VI. Tituluaren III. Kapituluaren izenburua.

“III. KAPITULUA

“Ezarpen bikoitza saihesteko bideak”

Hiru. 60. artikuluko 4. zenbakiaren testu berria.

“4. Kuota osoaren askiezagatik kendu ez diren zenbatekoak, ondorengo eta segidako hamar urteetan amaitzen diren zergaldietan kendu ahal izanen dira.”

Lau. 60. bis artikuluaen testu berria.

“60. bis artikulua. Finkagune iraunkorraren bidez atzerrian jasotako errenta jakin batzuen salbuespena.

1. Espainiako lurraldetik kanpoko finkagune iraunkor baten bidez atzerrian lortutako errenta positiboak salbuetsirik egonen dira, ondoko baldintza hauek betetzen direnean:

a) Finkagune iraunkorraren errenta atzerrian egindako enpresa jardueretatik etortzea, Foru Lege honetako 62. artikuluaen 1. zenbakiko c) letiran aurreikusi bezala.

b) Finkagune iraunkorrek lortutako errenta Zerga hau bezalako beste zerga baten menpe izana izatea, 62. artikuluari jarraikiz, eta erregelamenduaren arabera paradisu fiskaltzat hartutako herrialde edo eskualde batean ez egotea.

2. Aurreko zerga-aldietan finkagune iraunkorrek errenta garbi negatiboak izan baldin baditu, entitatearen zerga oinarrian sartu direnak, artikuluko honetan aurreikusitako salbuespena aplikatuko zaie errenta negatibo horien zenbatekoa gainditzen dutenetik aurrera lortutako errenta positiboek eta ez besteei.

3. Ondorio horietarako, atzerriko finkagune baten bidez aritzen den entitatetzat hartuko da, edozein titulu dela eta, bere jarduera osorik edo

parte batean burutzeko instalazioak edo lantokiak Espainiako lurraldetik kanpo modu iraunkorrez dituen. Zehazki, finkagune iraunkorrek izanen dira Hitzarmen Ekonomikoaren 14. artikuluan aipatzen direnak.

4. Subjektu pasiboari edo atzerrian lortutako errentei dagokienez, 62. artikuluko 3. zenbakian aurreikusitako gorabeherak gertatzen direnean, ez da artikuluko honetan ezarritako araubidea aplikatuko. Espainiako lurraldearen kanpoko finkagune guztiak baliatuko dira zenbaki horretako b) letran aipatu aukeraz, nahiz eta herrialde baten lurraldean bat baino gehiago izan.”

Bost. 61. artikuluko 4 eta 5. artikuluen testu berria.

“4. Nahikoa kuota osorik egon ez delako kendu ez diren zenbatekoak hurrengo eta jarraiko hamar urteetan bukatuko diren zerga-aldietan kendu ahal izanen dira.

5. Dibidenduak edota mozkinetako partaide-tzak eskuratuko dituen entitatearen zerga-oinarriari ez zaio mozkinen banaketatik ondorioztaturiko partaidetzaren balio-galera sartuko, balio-galera hori agertuko den modua eta zergaldia edozein delarik ere, non eta mozkin horien zenbatekoak Espainiako lurraldean tributatu ez duen, partaidetzaren edozein eskualdaketa bidez.”

Sei. 62. artikuluen testu berria.

“62. artikulua. Atzerrian lortutako dibidendu eta gainbalioen gaineko nazioarteko ezarpen ekonomiko bikoitza saihesteko salbuespena.

1. Egoitza Espainiako lurraldean ez duten entitateen mozkinen dibidendu edo partaidetzak salbuetsirik egonen dira ondoko baldintza hauek betetzen direnean:

a) Egoitza kanpoan duen entitatearen kapitalean edo fondoetan duen zuzeneko edo zeharkako partaidetzaren portzentajea gutxienez 100eko 5ekoa izatea.

Partaidetza hori etenik gabe eduki beharko da aurreko urtean, banatzen den mozkin eskatu aurretik edo, bestela, etenik gabe mantendu beharko da gero, aipatu epea osatzeko behar den denboraz. Epe hori kalkulatzeko, aintzat hartuko da partaidetza beste entitateen esku etenik gabe egon den denbora ere, baldin eta entitate horiek sozietateen talde bateko kide izateko Merkataritza Kodearen 42. artikuluan ezarritako baldintzak betetzen badituzte.

b) Entitate partaidetua Zerga honen izaera berdina edo antzekoa duen beste zerga bati loturik

egona izatea, banaketako edo partaidetzako mozkinak eskuratu diren ekitaldian.

Ondorio horietarako, atzerriko zergak kontuan hartuko dira baldin eta, hein batean bada ere, entitate partaidetuak lortutako errenta ezartzeko xedea badute, alde batera utzita zein den zergaren helburua: errenta bera, sarrerak edo haren beste edozein adierazle.

Besterik frogatzen ez bada, baldintza hori betetzen dela joko da entitate partaidetuak bere egoitza nazioarteko ezarpen bikoitza saihesteko Espainiarekin hitzarmena (aplikagarria eta informazioa trukatzeko klausula batekin) sinatu duen herrialde batean badu.

c) Banaketako edo partaidetzako mozkinen jatorria atzerriko enpresa jarduerak izatea.

Baldintza hori betetzat emateko, beharrezkoa izanen da ekitaldiko sarreraren gutxienez 100eko 85 ondoko hauetatik etortzea:

a) Atzerrian lortuak izanik, nazioarteko garrantasun fiskalaren araubidea aplikatzearen ondorioz zerga oinarrian sartzen ahal diren errentak ez izatea. 101. artikuluan aipatzen dira errenta mota horiek.

Errenta horiek lortzen dituen entitate partaidetuaren egoitza erregelamendu bidez paradisu fiskaltzat jotako herrialderen batean baldin badago ez da inola ere artikuluko honetan ezarritakoa aplikatuko.

Zehazki, atzerrian lortutako errentatzat hartuko dira ondoko jarduera hauetatik heldu direnak:

1') Handizkako merkataritza, entitate partaidetuak egoitza non duen, bertan jartzen badira ondasunak erosleek eskura, edo, bestela, Espainiatik kanpoko beste edozein herrialde edo lurraldetan, betiere eragiketarako entitate partaidetuak dituen baliabide pertsonal eta materialen bitartez egiten badira.

2') Zerbitzuak, entitate partaidetuak egoitza non duen, bertan erabiltzen baldin badira, edo, bestela, Espainiatik kanpoko beste edozein herrialde edo lurraldetan, betiere entitate partaidetuak dituen baliabide pertsonal eta materialen bitartez egiten badira.

3') Kreditu eta finantza jarduerak, entitate partaidetuak egoitza non duen, maileguak eta kredituak bertan bizi diren pertsonen ematen bazaizkie, edo, bestela, Espainiatik kanpoko beste edozein herrialde edo lurraldetan, betiere eragiketarako entitate partaidetuak dituen baliabide pertsonal eta materialen bitartez egiten badira.

4') Aseguru eta berraseguru jarduerak, entitate partaidetuak egoitza non duen, bertan badaude aseguratutako arriskuak, edo, bestela, Espainiatik kanpoko beste edozein herrialde edo lurraldetan, betiere jarduera horiek entitate partaidetuak dituen baliabide pertsonal eta materialen bitartez egiten badira.

b') Egoitza kanpoan duten bestelako entitateen dibidendu edo mozkinen partaidetzak, subjektu pasiboak a) letran ezarritako partaidetza-portzentajea duenean eta mozkin horiek zenbaki honetan aipatu baldintzak betetzen badituzte. Baita egoitza kanpoan duten entitateetako partaidetza eskualdatzetik heldu diren irabaziak ere, hurrengo zenbakiko baldintzak betetzen baldin badira.

Dibidenduen banaketak sorturiko partaidetzaren balio-galera ez da dibidenduak jasotzen dituen zerga oinarrian sartuko, Foru Lege honetako 61. artikuluan 5. zenbakian ezarri bezala.

Erreserba banaketaren kasuan artikuluko hau aplikatzeko, aplikatutzat hartuko dira erreserba horiei ordaindutako azkeneko zenbatekoak.

2. Egoitza Espainiako lurraldetik kanpo duen entitate bateko partaidetza eskualdatzetik jasotako errenta positiboa salbuetsirik egonen da aurreko zenbakian ezarritako baldintzak betetzen baldin badira. Araubide bera aplikatuko da bazkidea bereizten denean edo entitatea desegiten denean.

Aurreko zenbakiko b) eta c) letretan finkatutako baldintzak partaidetza edukitzen den ekitaldi guztietan bete behar dira; a) letran ezarritakoa, ordea, eskualdaketa egiten den egunari buruzkoa izanen da.

Dena den, egoitza kanpoan duen entitateko partaidetza Foru Lege honetako X. tituluko IX. kapituluko araubide bereziaren arauari jarraikiz baloratu baldin bada, salbuespena aplikatuko da hurrengo zenbakiko d) letran ezarritako baldintzen arabera.

Eskuratzaila erregelamendu bidez paradisu fiskaltzat hartutako herrialde edo lurralde batean bizi baldin bada, ez da salbuespena aplikatuko.

3. Salbuespenaren aplikazioak ezaugarri bereziak izanen ditu ondoko kasu hauetan:

a) Egoitza Espainiako lurraldean duten entitateetako partaidetzen merkatu-balioa, baita egoitza kanpoan duen entitateak lurralde horretan dituen aktiboena ere, zuzenean edo zeharka, bere aktibo osoen merkatu-balioaren 100eko 15 baino handiagoa denean.

Kasu horretan, salbuespena lortutako errentaren zati bati aplikatuko zaio bakarrik, alegia, par-

taidetza edukitzen den aldian entitate partaidetuak sortutako banatu gabeko mozkinen gehikuntza garbiari dagokionari.

b) Subjektu pasiboak balio zuzenketaren bat egin duenean eskualdatutako partaidetzaren gainean, zergaren aldetik kengarria suertatuz.

Kasu horretan, salbuespena aplikatuko zaio eskualdaketa zuzenketa horren zenbatekoaren gainean lortutako errentaren soberakinari.

c) Egoitza kanpoan duen entitateko partaidetza erosi zaion entitateak betetzen baldin baditu sozietate talde bateko kide izateko Merkataritza Kodearen 42. artikuluan ezarritako baldintzak, ondoko berezitasun hauek aplikatuko dira:

a') Egoitza kanpoan duen entitateko partaidetza eskualdatzean lortutako errenta negatiboari gutxipena ezarriko zaio; gutxipen horren zenbatekoa izanen da partaidetzaren eskualdaketa lortu eta salbuespena aplikatu zaion errenta positiboarena bera.

b') Egoitza kanpoan duen entitateko partaidetza eskualdatzean lortutako errenta positiboa kargatuko da, aurreko eskualdaketa lortu eta Zerga honetako zerga oinarrian sartu diren errenta negatiboen zenbatekora ailegatu arte.

d) Egoitza kanpoan duen entitateko partaidetza Foru Lege honetako X. tituluko IX. kapituluko araubide bereziaren arauari jarraikiz baloratu baldin bada eta arau horiek aplikatzearen ondorioz, baita aurreko eskualdaketa batean ere, Sozietateen gaineko Zergaren, Pertsona Fisikoen Errentaren gaineko Zergaren edo Egoitza kanpoan dutenen Errentaren gaineko Zergaren zerga oinarrian ondoko hauetatik heldutako errentak sartu ez badira:

a') Egoitza Espainiako lurraldean duen entitate bateko partaidetzaren eskualdaketatik.

b') Aurreko 1. puntuko b) eta c) letretan ezarritako baldintzak betetzen ez dituen egoitza kanpoan duen entitate bateko partaidetzaren eskualdaketatik.

c') Ondarearen bestelako elementuen ekarpen ez-diruzkoa.

Kasu horietan salbuespena aplikatuko zaio, bakar-bakarrik, egoitza kanpoan duen entitateko partaidetzaren eskualdaketa balioaren eta entitate eskualdatzaileak eskuratzen duenean hark merkatuan duen balio normalaren arteko alde positiboari dagokion errentari.

4. Artikulu honetan aurreikusitako araubidea ez da ondoko hauetan aplikatuko:

a) Subjektu pasiboa sozietate gardentzat hartua dagoen zerga-aldietan.

b) Entitateak Foru Lege honetako 60 edo 61. artikuluetan ezarritako kenkaria aplikatzen dien dibidendu edo gainbalioei.

c) Atzerriko herrialdearen zerga araubidez baliatzeko asmo nagusiaz bertan diharduten eskumenpeko entitateei buruz. Gorabehera hori betetzen dela ulertuko da baldin eta eskumenpeko entitateak atzerrian egiten duen jarduera bera, merkatu berari buruz, Espainian aurretik beste entitate batek egin badu, entitate horrek utzi egin baldin badio jarduera hori egiteari eta bestearekin mantentzen baldin badu Merkataritza Kodearen 42. artikuluan aipatutako loturetako bat, ekonomiaren aldetik balioa duen beste arrazoiren bat frogatzen denean izan ezik.”

Zazpi. Artikulu berri bat gehitzea (66.bis).

“66.bis artikulua. Informazioaren eta komunikazioaren teknologiak bultzatzeko kenkaria.

1. Kuota osoan 100eko 15eko kenkaria egiteko eskubidea izanen dute internet bidezko merkataritzako transakzioetan informazioa lortu eta erabiltzeko gaitasuna hobetzeko zergaldian egindako gastu eta inbertsioek, hala nola informazioaren eta komunikazioaren teknologien bidez barne prozesuak hobetzeko egin direnek. Zehazki, ondoko hauek:

a) Internetera sartzera, eta horren barrenean:

1') Internetera sartzeko ekipo eta terminalak erostea, haien “software” eta periferikoekin, internetera sartzeko eta posta elektronikoa erabili ahal izateko.

2') Ordenadoreen barne sareak internetera lotzeko komunikazio ekipo berariazkoak erostea.

3') Sistema horiek jarri eta abiaraztea.

b) Inerneten agertzea, eta horren barrenean:

1') “Web” orrialde eta atariak egin eta argitaratzeko ekipoak erostea, “softwarea” eta periferikoak barne.

2') “Web” orrialde eta atariak diseinatu eta garatzeko lanak, barnean eginak zein kanpoan kontratatuak.

3') Sistema horiek jarri eta abiaraztea.

c) merkataritza elektronikoa, eta horren barrenean:

1') Internet bidezko merkataritza elektronikoa ezartzeko ekipoak, haien “softwarea” eta periferi-

koak barne, eragiketetan behar diren segurtasun eta konfidentzialtasuna bermatuz.

2') Enpresa, bezero eta hornitzaileez osaturiko sare itxien bidez merkatatza elektronikoa ezartzeko ekipoak erostea, “softwarea” eta periferikoak barne.

3') Sistema horiek jarri eta abiaraztea.

d) Informazioaren eta komunikazioaren teknologiak erabiltzea enpresa prozesuetan, eta horren barrenean:

1') Berariazko ekipo eta “software” paketeak erostea ordenadoreak lotzeko, ahotsa eta datuak batzeko eta Intranet konfigurazioak sortzeko.

2') “Software” paketeak erostea kudeaketa, diseinu eta ekoizpen prozesu berariazkoetan aplikatzeko.

3') Sistema horiek jarri eta abiaraztea.

2. Nabigatzeko eta ibilgailuak satelite bidez aurkitzeko sistemarako inbertsioek ere kenkari eskubidea izanen dute, baldin eta errepideko garraiorako ibilgailu industrial edo komertzialetan paratzen badira.

3. Kenkari hau bateraezina izanen da ondasun edo gastu eta zenbateko berdinekin Zerga honetan ezarritako beste edozein mozkin edo pizgarri fiskalekin.”

Zortzi. 69. artikuluari beste zenbaki bat (2.a) gehitzea. Gaurko lerroalde bakarria 1. zenbakia izanen da hemendik aurrera.

“2. Aurreko zenbakian aurreikusitako kenkaria aplikatuko da errepide bidezko garraiorako ibilgailu industrial edo komertzial berriak erosten direnean ere, bakar-bakarrik erregelamendu bidez ezartzen baldin bada inbertsioaren zati batek atmosferaren kutsadura gutxitzeko balio duela, eta zati horren zenbatekoan.

Kenkari hori aplikatzeko baldintza eta prozedurak arau bidez ezarriko dira.

Bederatzi. 88. artikuluari zenbaki bat gehitzea.

“6. Epai judizial edo administratiboaren ondorioz Zerga honen konturako atxikipenari edo sarrerari loturiko errenta bat ordaindu behar denean, ordaintzaileak ordaindu behar duen zenbateko osoaren gainean eginen du atxikipen edo sarrera hori eta dirua sartu beharko du artikuluko honetan ezarritakoari jarraikiz.”

Hamar. 95. artikuluko 1. zenbakiko a) letraren azken lerroaldearen testu berria.

“Letra honetan agintzen direnetarako, ez dira balio gisa kontatuko, ez eta enpresa edo lanbide jardueren menpe ez dauden elementu gisa ere, haien eresketa prezioa entitateek lorturiko mozkin ez banatuen zenbatekoa baino gutxiago bada, baldin eta mozkin horiek enpresari edo profesionari jardueren ondoriozkoak badira; horien muga bai urte berean bai azken hamar urteetan lorturiko mozkin haien zenbatekoa izanen da. Dibidenduak, aurreko lerroaldeko azken zatian aipatutako baloreetatik heldu direnak barne, ez dira enpresa edo lanbide jardueretatik etorritako mozkinen parekoak izanen, baldin eta entitate partaidetuak lortutako dirusarreraren 100eko 90, gutxienez, enpresa edo lanbide jardueretatik (Pertsona Fisikoen Errentaren gaineko Zergari buruzko abenduaren 30eko 22/1998 Foru Legearen 33. artikuluan azaldu bezala) heldu ez badira.”

Hamaika. 110. artikuluko 1. zenbakiaren testu berria.

"1. Arrisku-kapitaleko sozietateak eta haien entitate kudeatzaileen gaineko urtarrilaren 5eko 1/1999 Legearen bidez arauturiko arrisku-kapitaleko sozietate eta fondoek enpresen kapitaleko akzio eta partaidetzen eskualdaketatik lortzen duten errentagatik salbuespena gozatu dute, Lege hartako 2.1 artikuluan ezarri bezala, enpresetan parte hartzen badute eta bigarren urtearen hasieratik hamabigarren urtera bitarte, hori barne, erosketatik salmentara kontatuta.

Kasu berezietan, azken epe hori luzatu ahalko da hamazazpi urte egin arte. Erregelamendu bidez finkatuko dira luzapen hori baimentzeko kasu, baldintza eta betebeharrak.

Aurreko lerroaldean aurreikusitako kasuan izan ezik, lehenengo urtean eta hamabigarrenaz geroztik ez da salbuespena aplikatuko."

Hamabi. 111. artikuluko 1. zenbakiaren testu berria.

1. Inbertsio Kolektiboko Erakundeei buruzko abenduaren 26ko 46/1984 Legearen bidez arauturiko inbertsio kolektiboko erakundeei, karga tasa orokorraren menpe daudenak izan ezik, ez dute eskubiderik izanen kuotako kengarrietarako, ez eta, nazioarteko ezarpen bikoitza saihestearren, zerga oinarrian errentak salbuesteko."

Hamahiru. 131. artikuluko 1. zenbakiko c) letraren testu berria.

"c) Araubidearen galera edo iraungipena gertatzen den zergaldian multzoa osatzen duten sozietateek, sozietate-multzoaren kuotaren kenkaria konpentsatzeko eskubidea eskuratuko dute, kon-

pentsazio-eskubide hau sortzen lagundu duten heinean.

Kompentsazioa hauetan egingo da: gelditzen den kenkarirako Foru Lege honetan ezarritako epea osatzeko behar diren zergaldietan zehaztutako diren kuota osoetan, kentzeko zenbatekoak zehaztu ziren urte edo urteetatik kontatzen hasita.

Hamalau. 142. artikulua testu berria.

142. artikulua. Finkagune iraunkorretako galerak.

Finkagune iraunkor bat eskualdatzen denean, eta Foru Lege honetako 134. artikuluko 1. zenbakiko c) letran ezarritako araubidea aplikatzen denean, Espainiako lurraldean egoitza duten entitate eskualdatzaileen zerga-oinarria gehitu egingo da, finkagune iraunkorrak aurreko hamar zergaldietan egotzitako mozkinen gaineko galeren sobe-rakinaren zenbatekoan.

Hamabost. 146. artikuluar 3. zenbakia gehitzea.

Kapitulu honetan ezarritako araubidea bateraezina izanen da egoitza Espainiako lurraldetik kanpo duten entitateetako partaidetzak eskualdaketatik helduriko errentetarako aurreikusitako salbuespenaren aplikazioarekin, Foru Lege honetako 62. artikuluan ezarri bezala.

Hamasei. X. tituluko X. kapituluko 147.etik 150.era bitarteko artikuluen testu berria.

X. KAPITULUA Atzerriko baloreak dituzten entitateen araubidea

147. artikulua. Atzerriko baloreak dituzten entitateak.

1. Egoitza Espainiako lurraldean ez duten erakunde berezko fondoek ordezkarri diren baloreen kudeaketa lehendabiziko helburu sozializatzen duten entitateek, beharrezko giza baliabide eta materialen antolaketaren bidez, kapitulu honetan ezarritako araubideari heldu ahal izango diote.

Entitate horien kapitaleko partaidetzen balore ordezkarriak izendunak izanen dira. Sozietate gardenak ezin izanen dira Kapitulu honetan ezarritako araubideaz baliatu.

2. Atzerriko baloreak dituzten entitateen araubidea aukeratuz gero, horren berri eman beharko zaio Ekonomi eta Ogasun Departamentuari. Araubidea jakinarazpen horren ondoren bukatzen den zergalditik aurrera aplikatuko da.

148. artikulua. Egoitza Espainiako lurraldetik kanpo duten entitateen berezko fondoan ordezkarri diren balore edukizetik eratorritako errentak.

1. Egoitza Espainian ez duten entitateen mozkinen dibidenduak edo partaidetzak, hala nola dagokion partaidetzaren eskualdaketatik etorritako errenta positiboak, salbuetsirik egonen dira, Foru Lege honetako 62. artikuluan aurreikusitako baldintza eta betebeharrekin.

2. Salbuespena aplikatzeko, gutxieneko partaidetzaren betebera, 62. artikuluko 1. zenbakiko a) letran aipatzen dena, betetzat hartuko da partaidetza eskuratzearen balioa 6 milioi euro (998.316.000 pezeta) baino handiagoa denean.

149. artikulua. Mozkinen banaketa. Partaidetzaren eskualdaketa.

Aurreko artikuluan aipaturiko errenta salbuesien ondorioz banatzen diren mozkinekin honela jokatu da:

a) Hartzailea zerga honi loturik dagoen entitatea denean, jasotzen diren mozkinen dibidenduen ezarpen bikoitzagatik kenkarirako eskubidea emanen dute, Foru Lege honetako 59. artikuluan ezarritako moduan.

b) Mozkinen hartzailea Pertsona Fisikoen Errentaren gaineko Zergari loturiko zergaduna denean, banatzen den mozkinak ez du dibidenduen ezarpen bikoitzagatik kenkarirako eskubidea emanen. Halere, zilegi izanen da nazioarteko ezarpen bikoitzagatik kenkaria aplikatzea, Pertsona Fisikoen Errentaren gaineko Zergari buruzko abenduaren 30eko 22/1998 Foru Legeko 67. artikuluan ezarri bezala, hartutako mozkinak eratzeko balio izan duten errenta salbuesien gainean baloreak dituen entitateak atzerrian ordaindutako zergei buruz.

150. artikulua. Araubide honen aplikazioa.

1. Kapitulu honetan aurreikusten den araubideaz baliatu ahal izateko beharrezkoa izango da bertan ezartzen diren betebeharrak eta baldintza guztiak betetzea, eta horixe frogatu beharko du subjektu pasiboak Ekonomi eta Ogasun Departamentuak hala eskatuta.

2. Egoitza Espainiako lurraldetik kanpo duten entitateen berezko fondoan ordezkarri diren baloreen ekarpen ez diruzkoak Foru Lege honetako 144.1 artikulua ezartzen duen araubideaz baliatuko dira, baloreak dituen entitateen ekarpen horiek ematen duten partaidetza-portzentajea edozein delarik.”

Hamazazpi. 167.1.B).b) artikuluari beste lerroalde bat gehitzea.

“Aurreko a) eta b) letretan agintzen denerako, enpresen sozietate sustatzaileek beren aktiboaren 100eko 75 baino gehiago izan beharko dute Foru Lege honetako 3. artikuluan aipatzen diren sozietate akzio edo partaidetzen harpidetzan edo esku-raketan inbertitua.”

Hemezortzi. 167.7 artikulua testu berria.

“7. Dibidenduek eta, oro har, enpresen sozietate sustatzaileek bultzatutako sozietateetatik jasotako mozkinetako partaidetzek, zerbait izatekotan, Foru Lege honetako 59. artikuluko 2. zenbakian aurreikusitako kenkaria izanen dute, edozein direlarik ere partaidetzaren ehuneko eta akzioen edo partaidetzen edukitze aldia.”

Hemeretzi. Laugarren Xedapen Gehigarriko 1. zenbakiaren testu berria.

“1. Pertsona Fisikoen Errentaren gaineko Zergaren edo Sozietateen gaineko Zergaren zerga oinarritik kanpo geratuko dira hurrengo ondo-rioz agerian geratzen diren errenta positiboak:

a) Europako Batasuneko nekazaritza politikaren laguntzok jasotzearen ondorioz:

a) Mahastizaintzari behin betiko uzteagatikoa.

b) Landaturiko sagarrondo, mertxikondo eta nektarinondoak errotik ateratzeagatikoa.

c) Esne ekoizpenari behin betikoz uzteagatikoa

d) Erregelamenduz ezartzen direnak.

b) Errepide bidezko garraioari uzteko laguntzak, horiek emateko arauetan ezarritako baldintzak betetzen dituzten garraiolariak ordaindutakoak, jasotzearen ondorioz.

c) Enpresari jardueretara atxikitako ondare elementuak sutean, uholdean, hondoratzean edo osasun arloko arazoetan galtzea ordaintzeko xede duten laguntza publikoak jasotzearen ondorioz.”

4. artikulua. Ondorioak 2001eko urtarrilaren 1etik aurrera hasten diren zergaldietan izanik, aldaketa batzuk sartu dira Kooperatiben Zerga-araubideari buruzko ekainaren 21eko 9/1994 Foru Legeko ondoren azaltzen diren artikulua hauetan:

Bat. Lerroalde bat gehitu zaio 5. artikuluko 2. zenbakiko a) letrari.

“Dena den, nekazaritzako kooperatibek zilegi izanen dute bazkide ez diren hirugarrenei B gaso-lia saltzea babes berezikoak izateari utzi gabe.”

Bi. 5. artikulua 3. zenbakiaren testu berria.

“1. zenbakiak aipatzen duen esparru geografikoan kokatutako bazkide bakoitzaren ondasunei dagozkien Landalur Kontribuzioaren eta Abeltzaintzakoaren edo Ondasun Higiezinaren gaineko Zergaren katastro-balioak ez daitezela 15.000.000 pezeta baino handiagoak izan.”

Hiru. 6. artikuluko 4. zenbakia aldatu da.

“4. Kooperatibako ondasunei dagokien Landalur Kontribuzioaren eta Abeltzaintzakoaren edo Ondasun Higiezinaren gaineko Zergaren katastro-balioen kopuru osoa, bazkide kopuruaz, bai langileen, bai ustiatzeko eskubideen lagapen-emaileenaz, zatitu ondoren aterako den kopurua 15.000.000 pezeta baino handiagoa ez izatea.”

Lau. 9. artikularen 10. zenbakia aldatu da.

“10. Bazkide ez diren hirugarrenekin eragiketa kooperatibizatuak egitea, legeak onartutako kasuetatik kanpo, eta eragiketa horien kontabilizazio bereiziari eta horiek egitean erdietsitako emaitzak Derrigorrezko Erreserba Fondoan sartzeari buruzko arauak ez betetzea.

Inolako kooperatibak ezin izanen du bazkide ez diren hirugarrenekin kooperatibaren eragiketabolumen osoaren 100eko 50 baino eragiketabolumen handiagoa egin, zerga aldetik babestutako kooperatibaren izaera galdu gabe. Arau hori ez zaie nekazaritzako kooperatibei aplikatuko, bazkide ez diren hirugarrenei B gasolioa saltzeko eragiketei dagokienez.

Aurreko lerroaldean ezarritako muga hori aplikatzeko, bazkideekin egindako eragiketekin parekatuko dira kreditu kooperatibetatik, eta fondo publikoetan eta enpresa publikoek jaulkitako baloreetan egindako inbertsioetatik ateratako kreditu-sailek erdietsi dirusarrerak.”

5. artikulua. Ondare Eskualdaketen eta Egintza Juridiko Dokumentatuen gaineko Zerga.

Ondare Eskualdaketen eta Egintza Juridiko Dokumentatuen gaineko Zergaren xedapenen Testu Bategina apirilaren 26ko 129/1999 Legegintzako Foru Dekretuaren bidez onetsi zen. Ondoko aldaketa hauek egin zaizkio:

Bat. 3.1.B) artikulua.

“B) Ondasun-eskubide, mailegu, fiantza, errentamendu, pentsio eta administrazio emakiden eraketa, azkeneko hauek trenbide azpiegiturak zein portu eta aireportuetako eraikinak edo instalazioak erabiltzeko eskubidea lagatzeko direnean ezik.

Eskubideen eraketatzat haien titularrarentzat tributuen exigentziarako oinarria izanen den

ondare gehikuntza dakarren haien edukinaren geroko zabalkuntza likidatuko da.”

Bi. 8. artikuluko 1. zenbakiari b) letra berria gehitu zaio eta, beraz, hemendik aurrera, gaurko b) eta c) letrak c) eta d) letrak izanen dira, hurrenez hurren.

“b) Aurreko letran ezarritakoaren salbuespen gisara, etxebizitzaren eskualdaketak, haietatik bereizi ezin diren eranskinak barne, ehuneko 5eko tributua izanen du, ondoko baldintza hauek betetzen direnean:

1. Eskuratzailerak beste etxebizitza baten jabe ez izatea eskuratu beharreko etxea dagoen udalerrian.

2. Etxebizitza eskuratzaileraren ohiko egoitza izatea.

3. Eskuratzailerak hiru kide baino gehiagoko famili unitate batekoa izatea.

Ondorio horietarako, ohiko etxebizitzat eta famili unitatetzat hartuko dira Pertsona Fisikoen Errentaren gaineko Zergari buruzko abenduaren 30eko 22/1998 Foru Legean finkatu direnak.

Letra honetan ezarritako baldintzak betetzen direla frogatzeko aurkeztu beharreko agiriak erregelamendu bidez finkatuko dira.”

Hiru. Testu Bategineko 35.I.B) artikuluari idatz-zati bat (19.a) gehitu zaio.

“19. Edozein motako hipoteken ezeztapena dokumentatzen duten notario eskrituren lehenbiziko kopia, notario agiriak kargatzen dituen “Egintza Juridiko Dokumentatuen” modalitatearen karga-tasa gradualari dagokionez.”

Lau. 36.2 artikuluari beste lerroalde bat gehitu zaio (bigarrena) eta bigarrena zena hirugarrena da orain, testu berriarekin.

“Balioen egiaztapenaren jakinarazpena Administrazioak, beharrezkoa bada, egiten duen likidazioarekin batera eginen da.

Egiaztapenean ateratzen diren balioak interesatuek aitortutakoak baino handiagoak badira, horiek zilegi izanen dute balio horiek inpugnatzea, balio berriak kontuan hartuko dituzten likidazioen erreklamazio epeen barruan. Balio berriek zergen aldetik eragina izan badezakete eskualdatzaileen gan, banan-banan jakinaraziko zaie horiek epe berean inpugnatu edo peritu-tasazio kontrajarriaren bidez zuzenketa eskatu ahal izateko eta, erreklamazioa edo zuzenketa osorik edo hein batean onetsiz gero, Ondare Eskualdaketen eta Egintza Juridiko Dokumentatuen gaineko Zergako subjek-

tu pasiboak ere baliatu ahalko dira ematen den ebazpenaz.”

Bost. 36.5 artikulua.

“5. Balioen egiaztapenaren emaitzakoa zuzentzeko, interesatuek peritu-tasazio kontrajarria eragiten ahal izanen dute, arauz ezartzen den bezala eta ezartzen diren epeetan.

Baldin eta peritu-tasazio kontrajarria eskualdaitzaileak eragiten badu artikuluko honetako 2. zenbakikoan xedatutakoa dela bide, eskabide-orria egiaztapenaren jakinarazpenaren ondorengo 15 egunetan zehar aurkeztu beharko da.

Peritu-tasazio kontrajarriaren eskabidea aurkezteak berekin ekarriko du egindako likidazioen dirusarrerak eta haien aurka erreklamatzeko epeak etetea.”

Sei. 41.1 artikuaren lehenbiziko leerroaldearen testu berria.

“Epai edo administrazio bidez, ebazpen irmo bidez, egintza edo kontratu bat deuseztatu, hutsaldu edo suntsitu dela adierazten edo aintzatesten denean, zergadunak eskubidea izanen du Zergaren zioz ordaindu duen kuota itzul dakion, irabazirik sortu ez badio eta itzulketa ebazpena irmo geratzen denetik lau urte igaro baino lehen eskatzen badu.

Aurreko idatz-zatiko hirugarren zenbakian azaldutako aldaketa aplikatuko zaie 2001eko urtarrilaren 1etik aurrera sortzen diren Zergaren zergaiei, eta laugarren zennbakikoa, ordea, Administrazioak egun horretatik aurrera egiten dituen likidazioei.

6. artikulua. Oinordetzen eta Dohaintzen gaineko Zerga.

1. Ondorioak 2001eko urtarrilaren 1etik aurrera sortzen diren zergagaietan izanik, aldatu egin da Oinordetzen, Ondare Eskualdaketen eta Egintza Juridiko Dokumentatuen gaineko Zergaren arauetako 40.1.c) artikulua. Arau horiek Foru Diputazioak onetsi zituen 1970eko apirilaren 10eko Erabakiaren bitartez. Hauxe da testu berria:

“c) Kausatzaileak hil aurreko lau urteetan eskualdatu zituen ondasun eta eskubideak, haien usufuktua edo eskuratzaileren beste batzuen, nahiz biziarteko beste edozein eskubiderena beretzat gordez, non eta legez eragiketa mota horretara dedikaturiko entitateekin kontratatatu biziarteko errenta aseguruak ez diren.”

2. Pertsona Fisikoen Errentaren gaineko Zergari buruzko abenduaren 30eko 22/1998 Foru Legeko 55.1.7 artikuluan ezarritakoaren ondorioz

ezkontideen artean egiten diren eskualdaketak ez dira Oinordetzen eta Dohaintzen gaineko Zergaren pean egonen, Lege horretan aurreikusitako mugaraino.

7. artikulua. Jarduera Ekonomikoen gaineko Zerga.

1. Ondorioak 2001eko urtarrilaren 1etik aurrera izanik, Jarduera Ekonomikoen gaineko Zergaren tarifak, maiatzaren 28ko 7/1996 Foru Legearen I. eranskinean ageri direnak, aldatu dira, ondoren azaldu bezala:

1. 1. sekzioko 854 multzoaren aldaketa.

“854 multzoa. Gidaririk gabeko ibilgailuen alojera.

854.1 epigrafea. Gidaririk gabeko ibilgailuen alojera.

Ibilgailuko:

Udalaren gutxieneko kuota: 1.191 pezeta.

Lurralde kuota: 4.140 pezeta.

Kuota nazionala: 5.175 pezeta.

Oharra: multzo horren barnean ez da gidaririk gabeko ibilgailuen “renting” moduko alojera.

854.2 epigrafea. Gidaririk gabeko ibilgailuen “renting” moduko alojera.

Ibilgailuko:

Udalaren gutxieneko kuota: 1.191 pezeta.

Lurralde kuota: 4.140 pezeta.

Kuota nazionala: 5.175 pezeta.”

2. 2. sekzioan 45 taldea sortu da.

“45. taldea. Geodesia eta Mapagintzako ingeniariak.

451 kuota. Geodesia eta Mapagintzako ingeniariak.

Kuota: 21.528 pezeta.”

3. 2. sekzioko 71 taldearen aldaketa.

711 taldea. Aseguru aktuarioak.

Kuota: 39.330 pezeta.

712 multzoa. Aseguruetako agente eta artekariak.

Kuota: 24.840 pezeta.”

4. 2. sekzioko 762 multzoaren aldaketa.

“762 multzoa. Informatikako doktore, lizentziatu eta ingeniariak.

Kuota: 25.461 pezeta.”

2. Aurreko idatz-zatian aipaturiko aldaketen ondorioz, Jarduera Ekonomikoen gaineko Zergari buruz duten egoera aldatzen baldin bazaie, subjektu pasiboek dagokien aitorpena aurkeztu beharko dute Jarduera Ekonomikoaren gaineko Zerga edo Lizentzia Fiskala kudeatzeko arauak ematen dituen azaroaren 11ko 614/1996 Foru Dekretuko 5, 6 edo 8. artikuluetan, kasuen arabera, ezarritako moduan.”

8. artikulua. Nafarroako Lurralde Aberastasunaren Erregistro Fiskala arautzen duen martxoaren 10eko 3/1995 Foru Legeko 28. artikulua aldatu da, ondoren azaldu bezala:

“28. artikulua. Lurzati-zedulak aurkeztea.

Koordinaziopeko udalerrietako ondasun higiezin notario tituluak formalizatzeko, haien titularrak dagozkien zedulak, indarrean daudenak betiere, aurkeztu beharko dituzte. Horrela egin ezean, ohartaraziko zaie aipatu betebeharrak hori eta tituluan bertan zehazki idatziko da halaxe egin behar dela.

Ohartarazpen eta idazketa horiek ukatu gabe, lurzati-zedula aurkeztu beharra ez betetzea, zerga arloko arau-hauste arintzat hartuko da eta 1.000 pezetatik 150.000 pezetara bitarteko isuna paratuko.

Baldintza hori betetzen ez bada, interesatua salbuetsirik egonen da Nafarroako Toki Ogasunei buruzko martxoaren 10eko 2/1999 Foru Legeko 145. artikuluan ezarritako dokumentazioa aurkeztetik, betiere egintza edo negozioa baldin bada ondasun higiezinaren eskualdaketa eta ez besterik, eta eskritura publikoan formalizatzen bada edo Jabetza Erregistroan inskripzioa egiteko eskaera egiten bada delako egintza edo negozioa egin eta 2 hilabeteko epean. Betebeharrak hori bete ezean, edo gorabehera horiek gertatzen ez direnean, notarioek eta Jabetzaren erregistratzaileek berariaz ohartaraziko diete interesatuei dagokion jabetzaren eskualdaketa deklaratu beharrak bere horretan irauten duela.”

9. artikulua. Nafarroako Nekazaritza Ustiategiaren Erregistroari buruzko abenduaren 15eko 20/1997 Foru Legeko artikuluko batzuen testu aldatu da, honela:

Bat. 15. artikulua testu berria.

“15. artikulua. Maileguak.

Ondare Eskualdeketa eta Egintza Juridiko Dokumentatuen gaineko Zergaren 1999ko apirilaren 26ko Testu Bateginaren 22. artikuluko 2. idatz-zatiak aipatzen duen "Egintza Juridiko Doku-

mentatuak" kontzeptutik salbuetsiak egonen dira honako hauek: Balio Erantsiaren gaineko Zergari lotutako mailegu hipotekarioen eratzea, aldatzea edo kitatzea dokumentatzen duten eskritura publikoaren lehenbiziko kopiak, beti ere mailegu horiek ematen baldin bazaizkie lehentasunezko ustiategiaren titularrei hobekuntza planak egiteko, lehentasunezko ustiategiak ez izan arren mailegu horien bidez finantzaturiko eskurapenei esker izaera hori lortzen duten ustiategiaren titularrei, eta nekazari gazteei nekazaritzako ustiategi bat lehen aldiz instalatzeko aukera izan dezaten.”

Bi. 16. artikulua testu berria.

“16. artikulua. Ustiategiaren osorik eskualdatzea.

1. Nekazaritzako ustiategi oso baten erabateko jabetza edo biziarteko usufruktua edozein titulu bidez, kostubidezkoa edo irabaziduna, "inter vivos" edo "mortis causa" eskualdatu edo eskuratuz gero, beti ere hori egiten bada lehentasunezkoa den edo eskurapenaren ondorioz izaera hori lortzen duen beste ustiategi bateko titularraren alde edo halako titular bat izanik egilea, orduan, eskualdatze edo eskuratze hori salbuetsirik egonen da ustiategiaren edo hori osatzen duten elementuen eskualdatze edo eskuratzearen gaineko zergatik, hori guztia, baldin eta, eskualdatzearen ondorioz, eskuratzaileraren ustiategiak duen lehentasunezko izaera aldatzen ez bada.

Ustiategiaren eskualdaketa eskritura publiko bidez egin behar da.

Idatz-zati honetako lehen lerroaldean aipatu ondorioetarako, nekazaritzako ustiategi osoaren eskualdaketa egiten dela ulertuko da, baita etxebizitza kanpoan uzten denean ere.

2. Salbuespena gauzatu ahal izateko, eskuratzearen eskritura publikoan eta Jabetza Erregistroan, baldin eta eskualdatutako finkak erregistro horretan inskribatuta bazeuden, azaldu beharko da: eskuraturiko finkak hurrengo bost urteko epean besterendu, errentan eman edo lagatzen badira, aldeztu aurretik honako justifikazioa egin beharko dela: dagokion zerga ordaindu izanarena, edo egindako salbuespenaren ondorioz ordaindu gabe gelditutako horren zatiarena, bai eta berandutze interesena ere, salbuespen izanik ezinbesteko kasuak, heriotza, elbarritasuna edo titularrak jarduera uztea jubilatuta delako bai adinarengatik, bai arazuz ezarrita dagoen beste edozein arrazoi-erengatik.”

Hiru. 17. artikulua testu berria.

“17. artikulua. Muga bakar baten barneko ustiategiaren osatzeko eskualdaketa.

1. Landa finken erabateko jabetza edo biziarteko usufuktua edozein titulu bidez, kostubidezkoa edo irabaziduna, "inter vivos" edo "mortis causa" eskualdatu edo eskuratuz gero, baldin eta hori egiten bada lehentasunezko ustiategi bat eratzeko asmoz muga bakar baten barnean horretarako beharrezkoa den azalera biltzeko, orduan, eskualdatze edo eskuratze hori salbuetsia egonen da eskualdatzeen edo eskuratzeen gaineko zergatik, hori guztia, baldin eta agiri publikoan azaltzen bada egindakoaren ondorioz geratzen den finka ezin izanen dela zatitu bost urteko epean, aurreko idatz-zatian ezarritako kasuetan izan ezik.

2. Eskualdaketa edo eskuratzearen gaineko zergari dagokion zerga-oinarrian 100eko 50eko murrizketa aplikatuko da honako kasuan: nekazaritzako ustiategiaren titularrek lurren eskualdatzea edo eskuratzea egiten dutenean muga bakar baten barnean biltzeko ustiategi bateko azalaren 100eko 50a gutxienez, beti ere horri dagokion lan-unitatearen errenta Foru Lege honek ezarritako mugen barnean baldin badago, hori guztia, lehentasunezko ustiategietarako zerga onurak emateko. Murrizketa hori aplikatu ahal izateko, arestiko idatz-zatian zatiezintasunaren eta eskuratzeari buruzko agiri publikoaren gainean ezarritako baldintzak bete beharko dira."

Lau. 18. artikulua. testu berria.

"18. artikulua. Ustiategi eta landa finketako zati batzuen eskualdaketa.

1. Landa finka baten edo nekazaritzako ustiategi bateko zati baten erabateko jabetza edo biziarteko usufuktua edozein titulu bidez, kostubidezkoa edo irabaziduna, "inter vivos" edo "mortis causa" eskualdatu edo eskuratuz gero, beti ere hori egiten bada eskurapenaren ondorioz lehentasun izaera galtzen ez duen edo lortzen duen lehentasunezko ustiategi bateko titularraren alde, orduan, salbuespena aplikatuko da eskualdatze edo eskuratzearen gaineko zergan.

2. Onura aplikatu ahal izateko, eskualdaketa eskritura publiko bidez egin beharko da, eta 16. artikuluko 2. idatz-zatian ezarritakoa aplikatuko da.

3. Baldin eta 1. idatz-zatiak aipatzen dituen eskualdaketa edo eskuratzearen bidez, Nekazaritza Politika Amankomunetik heldu diren eskubideak edo kuotak ere batera eskualdatzen edo eskuratzen badira, artikuluko 1. idatz-zatian ezartzen diren onurak aplikatuko dira."

Bost. 20. artikulua. testu berria.

"20. artikulua. Erregistroan inskribatzea.

Ondare Eskualdeketa eta Egintza Juridiko Dokumentatuen gaineko Zergako "kostubidezko ondare eskualdaketa" kontzeptuan salbuetsirik egonen dira honakoak: jabetza espedienteak, ezaguntasun aktak eta lehentasunezko ustiategi batean integraturiko finkek edo halako ustiategi bat osatu ahal izateko integratzen direnak Jabetza Erregistroan inmatrikulatzeko edo etendako erre-gistro-traktuari berrekiteko erabiltzen den beste edozein prozedura."

Sei. 21. artikulua. testu berria.

"21. artikulua. Lehentasunezko ustiategi elkartuendako zerga onura bereziak.

1. Amortizazio askatasuna izanen dute nekazaritzako jarduerari loturiko higiezin material eta inmaterialen elementuek, baldin eta lehentasunezko ustiategi izaera lortzen den egunaren ondoko lehen bost urteetan eskuratuak badira.

2. Ekainaren 21eko 9/1994 Foru Legearen arabera bereziki babesturiko nekazaritza kooperatiba gisa eratuta dauden lehentasunezko ustiategi elkartuen kasuan, Sozietateen gaineko Zergaren barnean kuota osoaren hobaria, Zerga horren 28.2 artikuluan aurreikusia, 100eko 80koa izanen da.

3. Eraldaketako Nekazaritza Sozietateak izanik Sozietateen gaineko Zerga ordaintzen duten lehentasunezko ustiategi elkartuen kasuan, Sozietateen gaineko Zergaren barnean kuota osoaren hobaria 100eko 50ekoa izanen da."

Zazpi. 22. artikulua. testu berria.

"22. artikulua. Nekazari gazteendako zerga onura bereziak.

Foru Lege honen 15, 16 eta 18. artikuluetan aurreikusitako zerga onurez gain, nekazari gazteek beste hauek ere izanen dituzte:

1. Nekazaritzako ustiategi baten edo horren zati baten zein landa finka baten erabateko jabetza edo bizi bitarteko usufuktua edozein titulu bidez, kostubidezkoa edo irabaziduna, "inter vivos" edo "mortis causa" eskualdatu edo eskuratuz gero, beti ere hori egiten bada lehentasunezko ustiategi bat lehen aldiz instalatzen duen nekazari gazte baten alde, orduan, salbuetsia egonen da eskualdatze edo eskuratzearen gaineko zergatik.

2. Pertsona Fisikoen Errentaren gaineko Zergan jarduerako etekin garbia zenbatespen objektiboaren metodoa erabiliz zehazten duten nekazari gazteek, beren nekazaritza jarduerari dagokiona 100eko 50ean murriztu ahalko dute, lehentasunezko ustiategi bateko titular gisa lehen aldiz instalatu ondoko bost urteetan itxitako zergaldietan,

baldin eta ustiatagia hobetzeko plan bat egin izana egiaztatzen badute. Arestian aipatu instalazioa Foru Lege honen 10. artikuluan aurreikusita-koaren arabera egina izanen da.

Aurreko lerroaldean aipaturiko etekin garbia, zenbatespen objektiboaren araubideari buruzko arauak aplikatzearen ondoriozkoa izanen da soilik.

Xedapen gehigarriak

Lehenbizikoa. Zerga araubidea baloreen maileru jakin batzuen Sozietateen gaineko Zergan eta Pertsona Fisikoen Errentaren gaineko Zergan.

Erregelamendu bidez ezarriko den bezala, baloreen maileruko eragiketek ez dute aldaketarik sortuko maileru-emailearen ondarean, Pertsona Fisikoen Errentaren gaineko Zergan eta Sozietateen gaineko Zergan, baldin eta Baloreen Merkaturari buruzko uztailaren 28ko 24/1988 Legeko 36.7 artikuluan eta hori garatzen duten arauetan ezarritako betebeharrak betetzen badituzte.

Bigarrena. Sozietateen gaineko Zergari buruzko abenduaren 30eko 24/1996 Foru Legeko 27. artikulua aipatzen duen monetaren balio-galera zuzentzeko koefizienteak.

2001ean hasten diren zergaldietan, Sozietateen gaineko Zergari buruzko abenduaren 30eko 24/1996 Foru Legeko 27. artikulua aipatzen duen monetaren balio-galera zuzentzeko koefizienteak ondoko hauek izanen dira:

Ondare elementua eskuratu edo ekoiztu zuen urtea	Koefizienteak
1983 eta aurrekoak	2,051
1984	1,850
1985	1,724
1986	1,639
1987	1,589
1988	1,523
1989	1,448
1990	1,388
1991	1,338
1992	1,292
1993	1,237
1994	1,187
1995	1,126
1996	1,071
1997	1,046
1998	1,033
1999	1,026
2000	1,021
2001	1,000

Hirugarrena. Konturako atxikipenak edo diru-sarrerak jaulkipen primaren banaketan edo ekarpenen itzulketarekin egindako kapital-murrizketan.

2001eko urtarrilaren 1etik aurrerako ondorioekin, akzioen edo partaidetzen jaulkipen primaren banaketatik edo ekarpenen itzulketarekin egindako kapital-murrizketatik heldu den etekina ez da Pertsona Fisikoen Errentaren gaineko Zergaren konturako atxikipen edo dirusarreraren pean egonen. Kasu horietan konturako atxikipen edo diru-sarrerak egiteko beharra ezarri ahalko da errege-lamendu bidez.

Laugarrena. Jabetza osoko nahiz jabetza soiliko "mortis causa" eskualdaketetan eta "inter vivos" dohaintzetan, baldin eta babespeko naturgunearen deklarazioa duten lursailei edo Europako "Natura 2000" sare ekologikoko Interes Komunitarioko lekua izateko proposatutako lursailei buruzkoak badira, 100eko 95eko murrizketa eginen da Oinordetzen gaineko Zergaren zerga-gaia, titulartasun pribatua duten lursailetarako.

Eskualdatzaileak beretako usufrukturik gorde badu, hura iraungitzeagatik ere murrizketa bera eginen da.

Bosgarrena. Berandutzako interesa.

2001eko urtarrilaren 1etik aurrerako ondorioekin, zerga zorren berandutzako interes-tasa ehuneko 6,50ekoa da urtean.

Xedapen iragankorrak

Lehenbizikoa. Nazioarteko ezarpen bikoitzagatik egin gabe dauden kenkariak.

Nazioarteko ezarpen bikoitzagatik egin beharreko kenkariak, Foru Lege honek indarra hartu arte Sozietateen gaineko Zergari buruzko 24/1996 Foru Legeko 60 bis eta 62. artikuluetan aurreikusirik egonik, egin gabe baldin badaude 2000ko urtarrilaren 1etik hasitako zergaldiak bukatzean, hurrengo zergaldietan eginen dira aipatu artikuluetan ezarritako baldintza eta betebeharrak jarraikiz.

Bigarrena. Atzerriko baloreak dituzten entitateak araubide berrira egokitzea.

1. Foru Lege honek indarra hartzen duenean atzerriko baloreak dituzten entitateen araubidea emana duten entitateek zilegi izanen dute Sozietateen gaineko Zergari buruzko abenduaren 30eko 24/1996 Foru Legeko X. tituluko X. kapituluko araubidea aplikatzeari uko egitea, Foru Lege honetan ezarritakoari jarraikiz, eta horren berri eman beharko diote Ekonomi eta Ogasun Depar-

tamentuari, indarra hartu ondoren amaitzen den lehenbiziko zergaldia bukatu baino lehen.

2. Foru Lege honek indarra hartzen duenean atzerriko baloreak dituzten entitateen araubidea emana duten entitateen kapitaleko partaidetzen balio ordezkagarriak balio izendun bihurtzea, araubide berria aplikatzen den lehenbiziko zergaldian egingen da.

Xedapen indargabetzailea

Foru Lege honek xedatzen duenaren aurkako maila bereko edo beheragoko xedapen guztiak indargabetuko dira; bereziki, honako arau hauek:

– Ondare Eskualdaketen eta Egintza Juridiko Dokumentatuen gaineko Zergaren xedapenen Testu Bategineko 36. artikuluko 4. idatz-zatia. Testu hori apirilaren 26ko 129/1999 Legegintzako Foru Dekretuaren eta hori garatzen duten arauen bidez onetsi zen.

– Zerga-aldarazpenei buruzko urriaren 20ko 12/1992 Foru Legearen laugarren xedapen gehigarria.

Azken xedapenak

Lehenbizikoa. Erregelamendu bidezko garpena.

Baimena ematen zaio Nafarroako Gobernuari Foru Lege hau garatu eta aplikatzeko behar diren xedapen guztiak eman ditzan.

Bigarrena. Foru Lege honek 2001eko urtarrilaren 1ean hartuko du indarra.

Dena den, Foru Lege honetako 1 eta 2. artikuluetan xedatutakoak ondorioak izanen ditu 2000ko urtarrilaren 1etik aurrera, 1. artikuluko Bat, Lau, Sei, Hamar eta Hogeita hiru zenbakietan ezarritakoa izan ezik.



NAFARROAKO PARLAMENTUKO
ALDIZKARI OFIZIALA

HARPIDETZA ORRIA

Izen-deiturak

Helbidea

Telefona *Hiria*

P. K. *Probintzia*

Ordaintzeko:

Dirua Nafarroako Aurrezki Kutxako 2054/0000 41 110007133.9 zenbakiko kontu korrontera igorri edo bertan sartu

HARPIDETZAREN PREZIOA ALDIZKARI OFIZIALA ETA BILKURA EGUNKARIA Urte bat..... 6.200 pta. Aldizkari Ofizialaren aleko prezioa..... 145 » . Bilkura Egunkariaren aleko prezioa..... 180 » .	IDAZLARITZA ETA ADMINISTRAZIOA NAFARROAKO PARLAMENTUA «Nafarroako Parlamentuko Aldizkari Ofiziala» Arrieta 12, 3 31002 IRUÑA
--------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------